

袁中郎詩集

襟霞閣普及本



上海中央書店印行

丁册



袁中郎詩集 下冊

五言律 下

苦雨

且莫問提壺。春風一半孤。暮雲啼滑滑。曉樹語呱呱。夢繞飛花社。思牽綠柳湖。無方可醉得。濁酒坐灰爐。

曾退如太史返棹江干雨甚宿楊上舍家令門僧持卷來觀夜坐有懷
敬題其末

蘭茝坐銷紅。長吟短噫中。潑天車軸雨。撼地石郵風。夢去雲連峽。詩來翠掃空。習家池上酒。何事外山公。

其二

山鬼莫吹燈。羈心感少陵。話中江渺渺。卷裏岫層層。嵐重千畦衲。雲開九節藤。聯牀今夜雨。空對嶺南僧。

泛舟便河

一棹碧蒼茫。蕉衫碎影涼。風音和鳥語。水色與天光。岸老蒲根出。沙平荻筍香。蹄輪何滾滾。對面卽滄浪。

其二

禪板佐尊壘。青溪曲曲迴。魚閒知浪靜。鳥喜覺風來。漠漠新雲樹。荒荒舊沼臺。一番見高塚。一度使眉開。

送蘇潛夫北上

去去日華東。晴霞似火紅。好辭杯底月。莫畏馬頭風。謝客休耽屐。張融且豎銅。緋袍白手板。勉矣偶場中。

遊章臺寺和小修韻

飛塵冷冷消。人語隔煙遙。雨洗青畦道。風薰白芷苗。竹深存廢碣。僧老話前朝。霸業荒殘盡。虛名只細腰。

其二

碧水獨忙去。紅葩引笑開。兔葵傷故國。狐粉嘯空臺。古屋晴生菌。深房晝鎖苔。松音與梵響。一洗大夫哀。

其三

雲捲三分地。塵飛六國王。自然歸滅劫。不必問巫陽。古壘荒遺構。澄波照冷簷。廿年雙屈指。頭白話兒郎。

其四

碧渚新琅玕。入門碎影寒。么絃將水聽。青黛作煙看。且樂時花豔。休悲故壠殘。南威他自美。興廢豈相干。

夏日同龍君超傅中執蕭季星龔散木彭長卿崔晦之小修王小白泛舟便河得橋字

好作煙林譜。微霞帶水條。平平鋪碎浪。遠遠出紅橋。天坼雲鱗見。江澄暑路消。山光與粉黛。一種是逍遙。

又和龍君超韻

野雲邀。
白板赤欄橋。石根繫小舸。風傳初稻信。雨應熟梅潮。柳密兼煙重。槎枯帶蘚漂。洄沿無定止。只似

劉元質宅宴得金字

錯沉金。
遠水輕雲意。孤桐鄉鶴心。消磨歸酒政。遊戲入花林。趙姊雙名燕。盧郎一字琛。龐公見亦悔。湘水

龍君超徵集章臺以看花臺爲韻

許如蘭。
碧篠當煙出。朱華帶渚看。佳人吳笑語。公子晉衣冠。始覺歡場盛。爭言雅道難。經時覓快友。纔得

其二

對東家。
一笑爛雲霞。青娥驅法華。章臺新馬足。洞口舊魚槎。秋水人人月。春風面面花。不同愁宋玉。蕭瑟

其三

天際颯輕雷。濃陰潑地來。叢中避粉黛。樹底臥鸞壘。數點將穿屋。移時忽泛臺。只疑舊歌舞。化作

雨雲回。

病起新霽見月

病起初逢月。雲開笑亦開。雲隨殘悶去。月逐好懷來。墜葉凝清露。新香瀉綠醅。冷心雖校淺。仍是欲然灰。

林蘭閣同王以明先生及尙父謝道人小集偶成

涼月下空疏。蕭蕭靜者居。休心花事斷。忌藥酒船虛。竹外披煙鶴。尊前帶子魚。盤飧聊復爾。商略古人書。

醉歸示凡公響泉道人

不寐卽狂歌。蓮花漏水多。醉來尋白足。定起喚青娥。梵唱曠吳肉。荷衣剪越羅。亦知風景煞。爭奈老顛何。

當陽僧來邀遊青溪紫蓋諸勝

十載青山約。今番始赴期。如雲投舊嶺。似鳥念高枝。藍壓仙翁井。苔深鬼谷祠。卓將一喝去。秤取布衲師。

其二

一澗珠翻處。千山玉照時。東衝西邏酒。橫版側厓時。僧老扶雛至。鶴騎帶子隨。掌茶與谷水。宿世也相知。

登遨遊塚有感示凡公響泉道人

古塚新新道。荒原漠漠楓。荷衣蕙帶鬼。燕麥兔葵風。頽壘高陵變。分趨逝水東。莫言空不得。何事不成空。

將入青溪值雨雪凡公有詩見促用韻答之

童子語誦誦。雪花打皂衫。雲低天慘淡。霜老石巉巖。怪鳥鳴枯葉。空江立瘦杉。青溪騎鶴叟。聊且附書緘。

送雪照還吳

洗鉢焚鈔去。瞻雲倚棹歌。離鄉吳語變。入咏楚騷多。五老峯頭瀑。三江雪後波。麝衣櫻笠子。袖手看嵯峨。

又代作

四載椒林社。精研只有君。高談排嘿照。獨往賤多聞。江面瓶心月。山南嶺北雲。逆風香自遠。無路襲芳芬。

暮鳥投林和張明教

霧卷復煙披。嘈嘈話許時。大都尋故侶。莫是揀高枝。半嶺雲千態。疎林月一規。夜寒風裊裊。歸夢在天池。

其一

霞碧與山紅。煙林繪譜中。年啼綠見月。半妥爲梢風。萬點鋪沙異。千畦帶犢同。莫愁三匝苦。猶勝在金籠。

其二

渺渺辭沙嶼。嘹嘹帶遠空。分行來樹裏。送影入池中。小艇煙江月。高樓晚箔風。佳人天未許。同此眇歸鴻。

乙巳除夕

十畝負江田。歸耕已七年。稚松雲偃地。雛女髮垂肩。貝葉翻將綻。荷衣着屢穿。貧鄉何可戀。大抵

爲林泉。

袁中郎詩集 下冊 五言律下

八

春日同謝于楚周觀國小修李澄之王尙夫崔晦之劉繩之過智者堂

訪度門法師

數里碧陰森。高禪靜亦吟。趁花來遠澗。聽鳥入平林。歷盡摧車坂。稍存繞指金。浮塵都歇盡。未歇唾壺心。

諸衲見過

閒卽過東臯。衲衣對酒槽。袖中懷米帖。花底讀離騷。箔卷罽煙細。窗寒石爨高。貧家無可供。泚水與谿毛。

哭江進之

乙巳秋。聞進之兄卒于蜀。余時伏枕慟幾絕。嗟乎。余與進之之交。豈復在口舌間哉。進之死。世誰復有定中郎文者。已矣。猶記令吳之曰。與兄商證此道。初猶不甚信。弟謂兄曰。果若今人所著。萬口一聲。兄何以區別其高下也。且古人之詩。歷千百年。讀之如初出口。而今人一詩甫就。已若紅朽之粟。何也。進之躍然起曰。是已。後爲余敝篋。遂述此意。蓋實語也。進之才俊逸爽朗。務

爲新切。嘉隆以來所稱大家者。未見其比。但其中尙有矯枉之過。爲薄俗所檢點者。往時曾欲與進之言。而竟未及。是余之不忠也。然余所病。正與進之同證。亦不意進之去。若是速也。慟哉。郎君幸盡以諸藁屬我。我當爲進之刪定。藏諸名山。以俟後世子雲也。往弟有錦帆解脫諸集。皆屬進之爲序。甚獲我心。然彼時詩不適。而文亦散緩。今弟刻瓶花瀟碧二集。安能使兄快讀一過。爲弟敘而傳也。慟哉。弟交遊徧海內。而性命文章。十居其九。至如寒潭皎月。透徹底裏。如吾進之者。指不一二屈也。進之有佳兒。能讀父書。可以自慰。知進之所未了者。高堂白髮。然曾孫滿前。老伯無大苦也。中懷作惡。苦不得佳語。欲躬致束芻。值有邑乘之役。素車白馬。未卜何日。挽章十篇。郎君爲我朗吟進之靈前。或墓前亦可。鬼未必卽通。爲讀數十回可也。

與虛空。

其二

案有君遺蹟。時時動我悲。夢中呼白也。卷裏哭微之。骨似凝冰石。心如靜水池。太玄那得比。囑累有佳兒。

其三

一笑凌雲去。高寒自少塵。騷魂皆楚鬼。弔客盡秦人。作諫傾南國。移書詛北辰。斯文凋喪盡。何用死麒麟。

其四

偏是佳人少。鶴鷗日日鳴。應劉皆早世。晁賈竟虛生。雪澗寒當戶。漁梁怒滿城。憐才與惜寶。天似未分明。

其五

蜀魄悲鳴後。巫猿叫嘯初。蛾眉徒有黛。巴水不成書。女鬼行雲侍。仙鄰賣卜居。澆花溪上叟。情切舊鄉廬。

其六

好手經爐冶。匡時正老成。文通才未盡。元靜職猶輕。妖作長沙鵬。帳空澧水螢。花源留蹟處。莎草背堦生。

其七

節節來余夢。溪雲湖柳邊。浪仙神尙瘦。米芾鬼猶顛。花國恣題品。珠宮任纂編。閒時出諧史。一笑謔諸天。

其八

湘水濯魂清。紛紛蘭芷生。桃花仙路豔。薜荔鬼衣輕。喜去朝虞帝。悲來過屈平。沙蘿村口上。夜引瞿童行。

其九

作者心良苦。悠悠世豈知。近俳緣矯激。取態任斜欹。江闊無澄浪。林深有贅枝。向人言似夢。無計解愚癡。

其十

薄俗好檢點。因循媿少箴。只疑如豆目。未達似空心。琴敗孤音絕。林荒破宅深。期君一百載。隻字雙南金。

送周觀國還會稽兼寄陶周望兄弟

江流澎湃處。一曲是官衙。小邑城三里。荒垣市幾家。斗湖曾載月。浪柳也吹花。踟躕真如繭。能禁

念若耶。

其二

且莫聽啼魂。煙嵐路亦昏。山連內史宅。水到賀公門。曉月蘭橈市。春風黛綠村。箇年題壁處。霜洗舊苔痕。

曾雷二太史過柳浪用杜韻

雲嵐深幾曲。五月氣猶寒。月下兼花下。林端更水端。愁來詩監押。老至道遮闌。識得藏身計。塵勞也自安。

其二

勸我早經營。三山海上城。亦如憐素女。其那忤方平。青鳥曾經約。丹臺也注名。竹枝江上雨。難道是無情。

黃平倩久無書有僧自蜀來傳其厭世余不信數日後陶周望書來云
聞平倩有疾且求消息于余余謂小修曰必無他詩以志之

積雪峨眉路。三年渺去鴻。岷江惟有浪。巫峽祇聞風。驚絕西僧語。愁深太史筒。子瞻定不死。吾已

料天公。

西來僧云平倩初病痺今已痊復志喜

西望嘉陵信。迢迢半影鴻。黃州元不死。白傅已無風。小近臨邛黛。新開郫酒筒。僧言眞實否。吾欲讓龐公。(後二事皆來僧語。)

夏日同龔散木能者崔晦之鄒伯學李子髯攜妓泛舟和尚橋

芙蓉湖。
白舫形如鵠。青娥姓是盧。衣香泥翡翠。扇影怯鶉鴝。石竹和人籟。山花薰野爐。遙看十里水。一片

其二

一。試說鴛鴦侶。何如鷗鷺羣。溪光描翠黛。竹影寫羅裙。雲日魚鱗氣。霞波雉尾文。鶴飛衝樹起。天半一聲聞。

病起獨坐

荒草綠如煙。何秋不可憐。病家無客至。小犬亦高眠。開帙尋詩料。添衣缺酒錢。閉門讀莊子。秋水馬蹄篇。

病起偶題

對客心如怯。窺銅只自憐。負暄梳敗髮。發篋理殘篇。名豈儒冠悞。病因濁酒痊。浮生喻泡影。何以樂青年。

其二

獨坐真成悶。孤砧急暮聲。乾坤偏惡道。世路幾狂生。騷雅原無命。湖山賸有情。一坵何不可。身外卽浮萍。

其三

強欲親曦日。無那怯曉風。纏綿悲二豎。坐起仗雙童。世路他如夢。浮名我失弓。一番三徑裏。秋菊又成空。

其四

不斷青雲夢。難堪白髮情。跳梁山鬼妬。落莫酒人輕。色界身終苦。無生學未成。浮漚能幾許。枉自覓枯榮。

花朝卽事

雨過庭花好。開尊亦自幽。不知今夕醉。消得幾年愁。一朵新紅甲。四筵半白頭。久知行樂是。老矣復何求。

江漲

灩澦三冬雪。瀟湘五月波。疾流翻地轉。遠勢觸雲過。縣尉臨江祭。巴人下水歌。世平無孟瑛。父老恨如何。

卽事

俗態有如此。誰云道不貧。黃金貴賤士。烏帽是非人。公叔絕交甚。東方漫世真。浮雲看物理。浪跡混風塵。

秋扇

濯濯齊紈素。團團明月輝。含羞王氏女。失寵漢宮妃。出入心猶在。炎涼態已非。自甘藏篋笥。不敢觸寒威。

夏日泛舟

泛泛鳩鵲近。深深雀鷺閒。空潭不受暑。野竹半捎雲。公子收行蓋。佳人晒舞裙。垂楊亂荇藻。日色

冷紛紛。

得李宏甫先生書

似此瑤華色。何殊空谷音。悲哉擊筑淚。已矣唾壺心。跡豈焚書白。病因老苦侵。有文焉用隱。無水若爲沉。

冬菊

衆芳無不改。籬菊晚猶開。護葉多編竹。憐香自剪萊。驚心寒節破。載酒故人來。忽憶東籬叟。狂歌試舉杯。

江行

霞彩收晴色。澄波媚夕暉。飢鷹奔樹冷。沙鷗觸人飛。墩叟迎兒出。鄉童負犬歸。少年饒酒力。何事怯寒威。

登臺

登臺當此日。潦倒盡餘驢。古木何年有。林花盡日寒。霞來鱗作市。山晚氣成瀾。去去滄江暝。狂歌興未闌。

除夕前八日

每恨年光駛。東風又一時。入門花自媚。出谷鳥先知。宦去積康懶。情來育長癡。無爲愁暮景。幽意在南枝。

夜坐別彭子

寂歷嚴更漏。淒其旅客情。傾腸談近事。屈指數遊程。寒氣衝筵入。鄉心冒酒生。經年事奔走。名利一無成。

社中

宿昔城南約。蒼茫十載情。交遊悲喜盡。文字揣摩成。古屋繁陰入。空塔凍鳥行。終年惟搦管。辛苦是書生。

小齋

情至觀無始。愁來實奈何。蠹行粘敗粉。燕起觸簾羅。往事惟長嘯。新知一放歌。鷓鴣雖餓死。不與雀爭多。

迎九

節物何堪問。流光轉自哀。世情搔首過。秋色閉門來。才子新開社。參軍舊有臺。菊花才作藥。遲爾共啣杯。

憶蟹

鄂州爲客處。紫蟹最堪憐。朱邸爭先買。青樓不計錢。昔年桐乳下。今日菊花前。咫尺晴川水。無由見爾鮮。

夏日同龍君超君善家伯修郊外小集

避却紅塵子。晴郊共舉杯。踏雲穿寶閣。立馬問金臺。古木無心長。雜花不定開。東南饒勝友。喜與二郎來。

宿村中

古木攢幽壑。叢篁蔽小祠。籃輿村犬吠。羅服野人疑。稻熟家家釀。山香處處詩。田翁強解事。款款具威儀。

示社友

所至成三笑。居然似七賢。社開正始後。詩數中興年。一代稱同軌。千秋欣執鞭。古來藏二酉。不必

大都傳。

秋日同鄒伯學過崔晦之村莊

攜得城中友。聯鑣把臂來。探圃人踴躍。問姓俗疑猜。鄰酒無因至。霜花有限開。一坵荒楚裏。門戶蔽蒿萊。

送周尙寶左遷海澄典史 代作

羈虜終無賴。餘波橫及人。清時驕魍魎。平地蹶麒麟。去國寧辭謫。投荒幸有身。邊籌終及爾。勿復嘆沉淪。

其二

幾度青門柳。榮枯送爾行。廟謀何日定。邊事仗誰成。名以批鱗重。恩因市虎輕。知君心獨苦。萬死亦關情。

其三

十年聲籍甚。一日去長安。作賦元投楚。爲文欲弔韓。雲開龍首出。雨過鱷溪寒。到處青山好。何憂行路難。

九日江上小集

物色千林換。江聲四面瀾。脫冠酬勝節。呼酒賀新寒。童子攜方罍。庖人進鱸盤。秋郊如醉裏。瀟灑一憑欄。

偶成

塵世無暇日。孤館有餘情。黃金鑄知己。青編列友生。事佛心難定。學仙道不成。去去雙田下。兄弟事偶耕。

郊行同龔散木能者鄒伯學

高柳藏山寺。雜花綴水濱。青溪六七里。白蛤兩三人。鍾釜蚊虻過。煙霞鹿豕鄰。箕踞亦是禮。何必取冠巾。

嘉魚李太清書齋

尚有青雲舊。誰云白首新。孤尊相對日。萬死可憐身。曝衲驚黃鳥。開軒跳紫鱗。名臣何必貴。衰腐據要津。

夏日鄒伯學園亭

兀坐無儔侶。觀空絕想塵。牀頭高士傳。花下上皇人。養鶴移茶竈。憐魚輟釣綸。蒙莊去已久。斯意竟誰陳。

夏日卽事

一官因懶廢。萬事得禪逃。歲月談空老。風塵拂袖高。貧交殊面背。薄俗厚皮毛。不解和光指。空齋坐鬱陶。

其一

悶卽攤書讀。長年一腐儒。開門殘雨過。欹枕片雲孤。世事輸碁局。人情轉轆轤。浮生寧曳尾。斷不悔江湖。

夏日同龔能者崔晦之鄒伯學納涼李子髯齋中高柳下

高柳着溪烟。團團翠可憐。空街搖白水。疎日冷青錢。原憲貧非病。維摩疾是禪。居然城郭裏。一種小林泉。

偶題

得句題蕉葉。栽冠費筍皮。宦情三不可。禪理百無知。野館繁梔子。晴窗語燕兒。謝安何小草。相業

僅能棊。

寄沈介庵

不謂晴川閣。同時失此人。龍門吾有意。魚服爾何神。封事驚來草。除書怪積薪。和光古有語。好得耐風塵。

初秋

負俗將無傲。閒居合有秋。驕陽猶避鵲。小雨亦呼鳩。中散交多絕。司空宦總休。明知悲冉冉。何苦不滄洲。

秋閨

秋色透羅幃。寒芳片片飛。蛩吟生暗壁。螢火度空機。闈月新流照。簾霜換故衣。征鴻與蕩子。同去不同歸。

漫興

少年多浪跡。老大合幽棲。事業卑牛口。生涯尙馬蹄。避人嘲自解。隱几物難齊。每憶山中友。秋來好杖藜。

其二

獨往吾何有。狂癡世所憐。一身書蠹後。萬事酒杯前。禮樂從先進。交游附少年。昨來益自喜。信口野狐禪。

江崩及城

城郭荒如許。遷來得幾時。江通夔子國。潮打武侯祠。六代餘封在。三分故里疑。焉知深谷底。不有萬山碑。

寄散木

只覺秋悲苦。那堪別賦工。予瞻南去雁。爾望北來風。寒日疎籬菊。清霜落井桐。江湖夕照裏。登眺許誰同。

寄楊敦初

野樹吟秋日。江雲送目初。百年誰命駕。兩地且傳書。潘岳功名薄。莊生吏體疎。禪心知不減。揮麈近何如。

其二

萬事傳經。懶官閒且自由。閉門無不可。得稊更何求。玄草楊雲宅。清吟王粲樓。莫言工作賦。此地易悲秋。

憶弟

萬里南征路。扁舟去不來。賦投鸚鵡水。詩上鳳凰臺。天地窮相傍。雲霄塞自哀。千秋無漢武。司馬一庸才。

其二

驟傳伏枕去。轉覺淚沾巾。短髮三江棹。孤篷四海人。文章妻子怪。姓字友朋曠。兄弟皆衣紫。君胡命苦辛。

其三

去住非無謂。蹉跎似不羈。親朋盡欲殺。知己半相疑。獨我能青眼。因君是白眉。東來書一紙。讀罷淚如絲。

登高有懷

秋菊開誰對。寒郊望更新。乾坤東逝水。車馬北來塵。屈指悲時事。停杯憶遠人。汀花與岸草。何處

不傷神。

過古寺

紅橋過雨潤。黃葉會霜稀。古殿摧金榜。空塘落水衣。畏人寒鳥竄。護法老龍飢。醉語兼禪語。都非第二機。

宿僧房

夜雨沉清磬。霜林起暮鴉。蓮臺三品葉。佛果一時花。覺路昏羅縠。禪燈黑絳紗。早知嬰世網。悔不事袈裟。

憶弟

向有他鄉客。那堪兩地春。文章聊玩世。儒墨竟疑人。別後山川換。愁來歲月新。滄江一萬里。濁酒向誰陳。

其二

東去交多少。南詢興有無。高天鴻鵠舉。世路馬牛呼。騷雅命難達。江湖迹易孤。步兵雖嗜酒。倘亦恨窮途。

異僧

買印支公僻。輪瓶座首能。咒言聽似鳥。梵字寫如藤。托鉢施仙飯。支牀面佛燈。一身猶不用。何處有三乘。

出郭

稻熟村村酒。魚肥處處家。輕刀粘水去。獨鳥會風斜。落日流紅浪。長江徙白沙。山僧迎客喜。顛倒着袈裟。

江上

白霧迷荒楚。清流帶遠空。沙平晴獻雪。樹老夜屯風。曠野眠飢咒。孤洲落晚鴻。布帆如屋裏。何處有城中。

郊外小集

賴有滄洲意。聊行濁酒杯。白波吹日上。粉堞映江開。米穀舟中市。人烟水面來。息機吾已久。鷗鳥莫相猜。

其一

浪跡真無賴。狂心今若何。一尊聊對酒。萬事且狂歌。穉子矜黃葉。漁人語白波。蘆花青裊裊。秋意滿溪蕪。

三弟回志喜

送汝才三月。那知西復東。客中何地返。橐裏幾時空。世事窮來見。文章病後工。浮湘而涉海。司馬之遺風。

其一

突兀英雄氣。飄零病苦身。黃金憎賦客。青眼謝時人。按劍投珠恨。呼牛應馬真。無錢覓知己。到底白頭新。

其二

萬里將孤舫。長江與太湖。山川幾盡越。文字恥爲吳。見我故人否。識君高義無。士安交不薄。珍重序三都。

其四

東去人人叩。西來事事疑。苦心眞學者。出世好男兒。消息蘄州得。機緣老宿知。何人皮相士。道爾

定狂癡。

花朝日呈伯修

壺氣薰高閣。歌聲繞細廚。桂尊清且滿。坐客美而都。共唱三婦豔。同開百子圖。主人將夜飲。傍晚禁啼鳥。

其二

宛轉花如結。差池燕似知。佳人炊壽餅。童子按新辭。珠履散還聚。蘭膏盡復炊。青軒紅麗蕊。第一好天時。

京師夜坐

兀坐醒醒悶。讀書字字難。竹枯知鳳餒。餅澁驗天寒。往事心方省。窮來交漸寬。微官猶窘我。羸馬日長安。

北行道中示弟

惜別無多日。驅馳看逼年。客愁繁似雨。官路遠如天。凍磧酸車轂。嚴霜嚙馬鞭。流光付行旅。爾我遞相憐。

挽蘇母

喜得全歸日。郎君已致身。憑將萬死事。泣報九原人。野氣迷丹旆。秋風冷石麟。但留天語在。一紙夜臺新。

秋夜感懷

莫以千人和。途輕白雪歌。支離常調失。突兀此生過。薄俗論交盡。秋風閱世多。鷓鴣終萬仞。嚇我待如何。

余山居六年矣丙午秋復北上臨發偶賦

又被閒驅出。冥鴻那可飛。添多新蒜髮。典盡舊荷衣。柳密雲侵郭。荷長水漫磯。鷓鴣爭作語。客子幾年歸。

過荆門觀蒙惠泉

雲過山城沒。谿回磴道平。一漚淙石底。萬戶枕泉聲。童子將茶去。僧雛負鉢行。居人傳好語。得似長官清。(時州人爲言雷守甚清)

石橋道中

有豐年。
上上仄岩顛。清溪落馬前。陂陀聊作館。磽确以爲田。人出斜山照。雞鳴廢寺烟。亭翁顏半赭。知得

襄陽道中逢龍君御君御節鎮西寧便道省太夫人

征馬隔林鳴。雙旌忽背行。白頭撩遠夢。紅樹促歸程。銀管書生去。鐵衣老將迎。羌胡知姓字。檄草在邊城。
(君御舊通守此地。)

壬辰秋日余與伯修兄先後出都門至鄭相及同宿州署今相去十五年伯修厭世亦六年矣電火驚心山川觸目因書數語兼示小修方平兩弟

幾行流。
十五度春秋。漚花轉眼休。含悲上東里。無路避西州。孤月傷鴻陣。寒雲障馬頭。對牀今夜雨。清淚

鄴城道

何處魏離宮。荒烟斷葦中。獵蹄晴捲雪。高隼怒盤風。苑古梧桐禿。牆崩枸杞紅。空臺與流水。想像舊簾櫳。
(梧桐禿。出白香山。)

其二

白日悲難駐。英雄誰不然。魚膏焚地底。蛾黛哭生前。南國香成霧。西山石作煙。人閒絕快事。天子作神僊。

其三

碧草漲寒塘。菖蒲花下香。山禽猶翠羽。野果尙丹房。殘粉迎新帝。妖魂逐小郎。曹家兄弟好。無那太淫荒。

其四

且著雙眉目。休隨俗笑嚬。簾前搗鼓吏。牀上捉刀人。胡粉裝尤怪。蕉竿舞入神。精光如可畫。寧與魄俱塵。

其五

那得長無語。無情淚亦垂。碑餘漢歲月。水洗鄴城池。樓外羌雛嘯。宮中寡婦悲。好還不再世。兇狡亦何爲。

其六

照人間。
近得銅臺瓦。重來五十鏹。無方鬢白髮。空自治青山。上馬蒐才藻。橫戈按髻鬟。霸圖今已矣。文采

其七

卜去前王碣。耕來故國墳。蜂巢無兩大。兔窟有三分。夜火生空樹。陰龍戰野雲。美人何處所。試與
定遺文。

其八

且勿度前村。白楊路漸昏。一坵文字鬼。千古戰爭魂。歷數孫曹閭。風流魏晉繁。成蹊人自省。桃李
不須言。

其九

謀士虎兼龍。三家霸局同。文章分鼎足。才品第英雄。齷齪司徒後。昏頑鍛錫公。陳琳檄自有。誰可
愈頭風。

其十

校盡中原士。初逢國手棋。孫郎爭一道。劉胄僅雙持。石悍刀方利。風高海始奇。唐宗與宋祖。應悔

不同時。

遊崇國寺得明字有序

往與家伯修潘去華江進之黃平倩劉明自吳本如段徽之諸公。結社於崇國葡萄方丈。相去七年。存亡出處。遂如隔世。丁未春暮。與龍君超陶孝若邱長孺李元善劉元質重經此地。泣下不能自止。聊述數語。以志今昔。

入寺稀人識。僧雛盡老成。花猶香廢苑。石莫話前生。壁上苔棲墨。廊間雨壞楹。春衣能幾日。又復過清明。

又

只作幽探計。如來與證明。出門皆黛色。入寺有泉聲。酒似溪光嫩。身如雲影輕。閒官無別侶。頭白舊方情。

惠安伯園亭同顧升伯李長卿湯嘉賓看牡丹

古樹暗房櫺。登樓只辨紅。分畦將匝地。含燄欲焚空。蝶醉輕綃日。鶯捎煖絮風。主人營一世。身老衆香中。

又

通國皆狂死。誰家解滿欄。徑須一石醉。消得幾生看。小樹迎初月。層嵐作晚寒。攜歸纔數朶。掩盡百羅紈。

浴佛日劉元定邀諸公偕游高梁橋得爲字

節是祇園會。謹同曲水池。妖童歌串亂。天女鬢華隨。是樹皆停蓋。無波不泛卮。魚龍與角觝。樂事看君爲。

又

萬隊千騎出。燕遊第一時。繁華雖有態。烟水未曾知。西去層層岫。東來面面池。胸中好坵壑。借與主人爲。

月夜歸來與長孺道舊仍用前韻

盛事那堪記。衰來亦自悲。看窮烟柳地。老盡露桃枝。算酒休論石。稅花莫計池。平生心種種。難及壯時爲。(都人市花者。以一方爲一池。)

偕曾退如過淨土菴

像設都非麗。疏題亦不紅。花移半檻日。槐老一庭風。寓目皆成淡。諸方敢鬪空。到門有醉客。鄉里舊山公。

湯嘉賓以使事入江西將遍遊諸名勝詩以送之

碧渚蒼雲路。長帆幾葉還。趁秋行九子。攜譜看廬山。採藥靈溪見。映花石戶關。孤藤雙竹屨。聽盡水潺湲。

其二

亦解驚人語。于君數倍難。片鱗猶變化。尺水尙波瀾。萬卉經春爛。千山過月寒。欲知才大小。試取昔賢看。

其三

九派潯陽地。寒潮一葉通。少年姑狡獪。太古石玲瓏。觸路飛泉雨。捫碑怪穴風。到時秋正老。江景繪丹楓。

其四

攜去山盈袖。書來墨滿巖。嵐光疲瘦僕。泉水洗塵衫。識徧金仙侶。搜殘玉簡函。楚雲青咫尺。漢水

莫停颿。（時嘉賓將入漢陽。弔蕭仲子。）

早起入朝書冊午間衝暑走城外別湯嘉賓晚赴劉元定飲時諸公已

半酣賦得原字

曉出銅龍署。暮歸曲水村。座涼心乍貼。觥亂飲初喧。妥尾筠侵閣。長頭客在門。公然去巾屣。奴態亦堪原。

夏日城西園亭聞蟬得陰字

清響徹平林。雲深樹亦深。乍聞心爽豁。蠲盡午昏沉。琴裏高山韻。詩中瘦島吟。鄉園頻夢爾。十里柳湖陰。

其二

未曾離溽暑。亦不到雲林。坐覺暄涼變。遂令院舍深。聲來如遠壑。宿處必層陰。燕子與黃鳥。難除閨閣音。

其三

雖在高雲地。長懷冷石心。羽流分體魄。騷客與聲音。竹柏風相亂。笙歌耳可箴。如何君與我。俱不

守長林。

苦雨吟和曾退如

陵雨無朝夕。呻吟益病妻。牀頭新墁落。竈下老嫗啼。一室均堂芥。千家亂水畦。侍兒持茗語。滿褶袴花泥。

其二

舊勢將排砌。新痕又沒花。街頭眠野鶩。窗上語池蛙。古佛龜生菌。嬌兒面有沙。東齋無額字。便可喚浮槎。

其三

似道雷焚火。又聞水決牆。哭聲來遠巷。昏火照方牀。小屋葦簾破。鄰家蒼朮香。兒童浪驚喜。簷底有微光。

其四

莫是天家樂。輕聞下土哀。九州吹立水。萬部役雕雷。地遠聲難徹。闌高喚不回。巢居與穴處。曾見有唐來。

中秋泊潞河看月同子公雲影賦

秋樹冷冷白。添衣也覺寒。如何今夜月。不共昔人看。客路風停閣。民居水破殘。那堪更值比。衰草漫流灘。

其二

萬水千山路。羈魂來不來。雙籤題姓字。兩處送錢財。風葉牽鈎幔。寒光背鏡臺。思量具杯酒。有口向誰開。

其三

亦欲消孤悶。其如不去心。稚兒神慘淡。病客語呻吟。野戍風傳柝。空艚火隔林。更憐明月裏。尙有獨飛禽。

其四

道侶前寬解。君深天竺書。我心自檢點。試比毘邪廬。法喜妻辭世。散花天異居。任他金粟老。亦有淚漣如。

潞河舟中和小修別詩

客程多。
鶴老翻辭侶。松寒乍剪蘿。孤舟將幼累。北海望南訛。亂葦藏村社。枯槎臥古河。所嗟人異路。不畏

其一

昔日饑寒伴。淒涼無一存。去花難返榭。好月不留軒。龜手衣猶在。齊眉案尙溫。一門新舊鬼。強半
北方魂。

其二

一慟出雲堂。秋高雁影涼。容顏漸朽謝。恩愛日銷亡。竹老湘君廟。花深油水陽。解君舊篋笥。擬買
白蓮莊。

其四

欲覓藏身處。瞿童路上尋。魚寧愁水闊。鳥豈畏山深。秋葉紅霜寺。春苞紫筍林。辟如縱鸚鵡。未有
戀籠心。

其五

少謝人間事。歌壇與舞筵。有山皆種竹。無水不栽蓮。見死知生苦。因繆識道緣。一杯從惠遠。白社

問諸賢。

其六

江柳江楓道。秋來倍損神。
瓊花撩怨客。香草夢離人。
白鳥誰非故。青山不厭貧。
陶朱吾可學。鑿水養鯤鱗。

其七

客路誰云苦。烟波亦自清。
雲開九子近。月上五湖明。
石壁同僧看。花坊信馬行。
家緣無十口。少累省憂生。

其八

弟也檀州去。征南尙可依。
青油寒夜醉。畫戟曉風威。
塞草構鷹疾。胡天字鳥飛。
吾廬行信美。鄉社幾時歸。

其九

小艇烟江雨。長堤柿葉霜。
一洲魚子市。千樹木奴鄉。
客去尋空谷。書來話酉陽。
繁華銷枕上。家近呂仙堂。

其十

禪味爭如醉。無何卽是鄉。休心爲麩藥。省事作資糧。慢世稍同朔。絕交亦似康。東臯猶滯酒。余乃醒而狂。

滄洲逢瞿太虛運使問及近事偶題

問我京華事。動君一日愁。添多新世態。無復舊交遊。北寺涼陰盡。西堂講席收。烟光逐日改。那不念歸休。

其二

白恰生蕉履。知君亦悼亡。憂時心耿耿。學道鬢蒼蒼。老衲同三昧。稚兒守一牀。所慚不共隱。魂魄滯他方。

德州舟中逢沈何山

鬢上微添雪。衣間亦有塵。俱爲行役客。孰是自由身。處世真妨達。歸山無那貧。且收魚鳥韻。檢點作時人。

其二

敢謂馮唐老。爲郎十五年。不因君滯滯。那與我周旋。歷歷分行樹。匆匆兩去船。此心無近遠。月在浩池邊。

偶作

爲道知難道。求閒亦未成。憑將無益事。娛此有涯生。見水移觥去。聞山背襖行。感時多長語。虛竅偶然鳴。

下邳舟中和子公

飛雨濺窗溼。衣寒擁敝褌。所憂惟臘近。最苦是茶渾。只有飛沙市。更無啼鳥村。兩漁相對語。舟繫古槐根。

集平山堂用平山字爲韻偕遊者方子兩謝生也

衰草亂畦平。長江一綫明。雲開智者寺。山表潤州城。萬井晴霞氣。千櫓晚吹聲。隋宮何處問。荆杞傍牆生。

其二

大業空遺事。披圖咫尺間。斜橋興廢水。燄墨有無山。野老畔香澤。妖狐學黛鬟。荒亭猶故井。馬上

挈泉還。

鄒子尹偕僧秋水見訪門者不知卻之相見乃一笑

幾失孔文學。驚逢禰正平。雲澄天自澈。月上海先明。渴驥聞泉喜。孤鴻見侶鳴。昭文琴自好。無那有虧成。

雪中投宿棲隱寺寺去大冶五十里在亂山中

下馬歷巔岬。晶晶四壁寒。山門雲占斷。佛舍雨澆殘。茶好臨泉試。寺有棲隱泉。松宜帶雪看。軒窗無一可。孤負此峯巒。

其二

岩戶何人啓。泉聲只自聞。夜澆盈納雨。曉轉一犁雲。野筍呼雛伐。山苗帶子分。會須知此意。禪講也輸君。

其三

細數高低嶺。閒詢遠近鄉。山烟隨澗出。松火隔林香。雲冷莓苔殿。雪封籬薜牆。里門通德近。誰與關荒涼。寺近余司徒家。

立春日金牛道中

田夫輟耒耜。紅女停機梭。士人廢簡編。官吏罷征科。商賈離塵肆。漁家收釣羅。余獨何人者。峻嶺與危坡。

漢陽過王章甫葵園和二仲韻

戶外卽遙岑。寒香漸出林。增池緣畝闊。疎竹爲庭陰。煙雪裁爲句。風泉寫入琴。欲知桐性老。火裏試焦音。

舟中除夕憶李安人

客裏逢除夕。燈前少故人。乍如雲沒海。忽似影離身。滿褶衣衫淚。半年河渚塵。井枯泉脉在。棟老燕巢新。

王章甫送余石頭口因共遊赤壁章甫將歸讀書九峯山

小舫沙棠檝。磯頭試一遊。偶然借郭李。不是弔曹劉。山色當陞出。江波載世流。沉沙無折戟。應已化漁鈎。

晴柳烟江路。幽探喜共君。暮風歌鳥翻。春水玩魚紋。石老猶含態。蛟閒不起雲。沙頭尋鷺侶。且莫話三分。

其三

一棹別烏林。高雲去去深。易銷惟黑髮。未了是名心。洗墨桐花下。讀書石壁陰。明年定傳寫。千紙滿璆琳。

柳浪館雜韻

柳匝層層水。花紛紛曲堤。古藤隨意拙。熟鳥任情啼。寄客詩題嶽。招僧語隔溪。菱蒲分外長。漸與竹欄齊。

其一

偶然修竹裏。新鳥一回聞。鶴下翻盆石。僧歸語嶠雲。縱風生水態。任月織波文。莫遣鷗鳧去。頻來只有君。

其二

饒水饒烟地。臨花臨柳居。經營成淨社。穿鑿架僧廬。小作番唐像。閒堆農圃書。主人葦血斷。鶴亦

念溪魚。

其四

齋閣行將近。迂回又隔蹊。八窗中遠水。萬柳外長堤。鑿曲添魚舍。芟枝減鶴棲。無人殘暴汝。宜近亦宜低。

過藕花莊

深院竹編牆。叢梢若箇長。入門溪雨濺。滿路麥風香。好夢因涼得。閒愁到水忘。因循二十載。未到藕花莊。

夏日同顧朗哉居士王遺狂游謝公岩主人于野宗侯留飲

只有烟林在。王家一事無。到門惟薜石。對語畫山臞。路失雲相引。厓欹行可扶。看人車馬去。塵起是修途。

其二

莫損莓苔壁。長留翠倚空。雲能供點綴。石自解玲瓏。泉落當窗逕。香生渡澗風。樓臺杳何許。樹影有無中。

登定州開元寺塔

孤塔三千級。俯身見鳥過。但知天闊遠。未許岫嵯峨。鈴語聞沙塞。燈光射虜河。昔賢誰眺此。韓宋與東坡。

其二

我醉中山酒。興衰渺莽間。宋家遺塞壘。唐典舊河山。破壁風雷出。空堂燕雀還。莫言無外警。西去卽層關。

黃竹石入都作別

壯闕何曾過。西山亦未登。袖中無半刺。鬚上有層冰。夢入冲烟鶴。書詢過海僧。省廬真似水。知汝不求丞。

殘冬選曹乏人戴星出入不覺過春感而賦此

若問曹中事。但觀鬢上絲。經年未見水。初度也無詩。夜月閒杯子。春光惱侍兒。西郊有遊騎。唯汝不相宜。

初授司功副郎

舍鍛來爲吏。嵇康也未慵。帶猶懸素鍔。銜得比青松。案牘心先碎。疏題手自封。何年挂神武。買斷紫芝峯。

寒食高梁橋

簿領送春光。鬚眉分外蒼。僧猶憐我老。水亦怪人忙。雨作青山色。風吹翠袖香。醉中如有憶。艇子上餘杭。

暮春偕蘇潛夫邱長孺李茂實僧寶方雪照出郭

且復須臾坐。夕陽山氣佳。人歸烟雨寺。春到海棠花。茜甲綠蛙吐。青溪帶郭斜。樓臺深隱隱。種竹定誰家。

暮春同王以明邱長孺蘇潛夫魏二方遊韋氏莊得寬字

幾葉菱蒲水。微風亦起瀾。如何尋丈地。綽有江湖寬。種果栽花易。招鷗引鷺難。輞川如具禮。畫裏試思看。

其二

樹歷高雲老。門臨細水寒。亂中時有整。幽處偶然寬。蘆筍芽將茁。檳榔蕊漸殘。遊鱗真可喜。夢不

到漁竿。

其二

徑路微微折。亭軒倍倍寬。經營百事善。物力屢朝看。果稅分時斂。茶坊湊水安。袈裟幸自樂。何苦戀紳冠。

飲渭南郭外水亭

清響落銀塘。崖高瀑自長。晴飛半院雨。暑洗一山涼。竹石江南夢。雲泉逸士腸。長安十日飲。金紫照壺觴。

喜小修至

疋馬西風客。青衫遠道人。傾觴三日語。洗面一升塵。發篋探家信。呼兒換葛巾。顏肥兼耳闊。失意幾曾嗔。

其一

家事若蠶絲。細聽無了期。某山今曠廢。何僕最頑癡。驗貌爭肥瘦。譚心校髓皮。因勘對病藥。第一是隨時。

其三

俱言三歲苦。握得幾番虛。鍊就玉珪字。磨穿鐵板書。莫非頭罪過。儻亦慧乘除。知汝能排遣。高譚且自如。

其四

買米錢都盡。裝衣絮亦無。奴顏慙失路。馬尾禿長途。沙哭終離楚。梁春已去吳。彌天布鐵網。不肯拔珊瑚。

與小修夜話憶伯修

羈客觀人世。孤雲信此生。長兄官自達。小弟學無成。買酒思燈市。踏花憶貫城。飛沙沒馬首。怕不御街行。

百六詩爲邱大賦

血蝕青銅照。魂牽白玉環。人間冤女塚。地下望夫山。着土淚猶碧。鄰湘草亦斑。至今西陵月。不忍向南彎。

其二

喻吾噴。
一夕歸茲路。三生惜此人。死無長負債。恨是不銷塵。小玉終爲厲。蘇卿必有神。決貌與怒蟒。無以

其三

詛城墮。
惡雨催蘭桂。饑梟啄鳳凰。埋憂覺地小。量恨與天長。萬煮難焦淚。千生不化腸。明當告世主。幽合

其四

觸歌衣。
怪事咄如許。裨官見亦稀。若無親口語。定道客傳非。始覺生爲債。誰言鬼是歸。長時檢遺篋。不忍

其五

出幽羅。
冤訴知無已。冥司可奈何。只愁女鬼弱。不怕俗錢多。雙陸因名廢。新聲只自歌。唯當仗佛力。救汝

赴棲霞

黃葉三秋後。青烟一派中。天寒蟲蟄雨。江闊鯉魚風。鶴瘦行藏勁。鷗閒飲啄工。舟迂迷去處。小立

問漁翁。

攝山紀遊

黃葉旋空下。清泉作雨飛。苔毛青佛面。石色老天衣。僧靜廚蔬少。山寒野雀稀。自然消萬慮。不是學忘機。

其二

山色重重怪。高譚事事新。荒松吹老鬣。古石長斑鱗。入室尋僧夢。翻經悟客塵。禪兄兼酒弟。傲殺世間人。

小集張伯實齋頭

白菊顏將赭。蒼原木漸黃。蟹匡行酒至。梧子作鬪藏。鈎月分蘭焰。玄霜打橘房。主人紅靺鞨。一笑上排場。

問方子公病

落盡梧桐葉。蕭騷滿一庭。當書裁枕被。減食買參苓。壁暗秋蟲泣。壚欹夜火青。病來曾幾日。疎髮冷星星。

其一

貧病知何極。高天也不原。愁聲徹曉夜。藥氣滿楹軒。夢惡憑奴解。衣單借手溫。空堂懸一榻。黃葉自封門。

送李季宣北上

長短丹楓道。高低白雪枝。奚奴肩古帙。駿尾束紅絲。闔月能通夢。邊烽易入詩。因思誇官日。是我見朝時。

其二

策蹇迎霜去。衝風送雁行。夢中呼小玉。甕底拜荆卿。驛路聽塘報。寒冬怯水程。預知廷對策。多半是談兵。

日暮

蒼茫山幾處。高下鳥千枝。野火烘雲脚。霜風老地皮。安心權在酒。長日困於詩。除却閒居外。朝昏總不知。

望鄉

雁飛低。
無日無鄉夢。空街與大堤。白長香米熟。青淺麥芽齊。荻月鋪雙寺。漁霜冷孟溪。長江無盡處。漸覺

偶成

半枝棲。
擲卻顛毛去。百無一事齊。客中稀信至。夢裏別家啼。野店胡桃小。山房枸杞低。慙慙托鷓鳥。借取

送蘊璞之通州

海門船。
敵衲纔三尺。羞囊無數錢。譚詩宗島瘦。運筆想懷顛。白果行廚飯。枯株半夜禪。天涯青點點。一派

憶潘景升

縣西樓。
赤仄何年至。青娥幾日休。當衣歸楚子。兌酒賣吳鉤。凍雨江豚泣。郵風海若秋。相思無寄處。獨上

寄伯修

次第逢京使。皆言鬢有華。廊餐傳白餅。宮雪打烏紗。夜起先雞唱。朝歸必日斜。倦來呼侍史。石水

試煎茶。

卽事

越錦刺吳女。桐絃命小妻。鑪鳴茶已罷。香散日初低。近火觀猫戲。開窗聽鳥啼。鄉書修總懶。笑作兩行題。

揚州曉泊

薄霧隨風盡。寒霜對酒銷。芋魁騰曉市。蟹子趁歸潮。往事瓊花觀。新溝楊子橋。雖然富羅綺。未必似前朝。

卽事

野樹凋青葉。寒江掃白波。訛音東事變。重語北船過。衢橘連霜買。盧姬盡日歌。揚州饒嫁娶。簫鼓夜來多。

賦得迷樓

古寺行宮是。荒臺跡近真。楓枯能作語。釵老化爲人。夜蠟燒天淚。秋蛾幻月新。當年倘不樂。難道不成塵。

小集吳嗣仙齋頭

寒月衝簾薄。空階似水涼。橘皮消酒氣。栗尾亂書牀。校姆人高下。踏歌調短長。自知非飲客。亦不害歡場。

集喬光祿齋頭

燭氣烘人煖。簾絲透月來。近花安飲几。分篠出重臺。細曲龍香撥。清酣鵝卵杯。徹明尙不去。安肯見燈迴。

飯王太古館中

萬事無如靜。浮雲他自飛。身心全白業。行止半緇衣。山藥和霜薦。園禽帶雪饑。忘名兼去欲。學道古人稀。

偶成

貧色杯中減。衰音鏡裏知。青山千里屐。白髮滿頭詩。夜雪烹朝水。鮮花勒凍枝。回身笑閭兩。爾我共支離。

感懷作

閒適魚歸水。孤羈鳥怯飛。寒江粘戍艘。賈俗壓儒衣。失路干人左。貪生學道非。無才甘自棄。不是怨知希。

雪中

蓋膝衣三補。充脾飯一匙。長貧商賈貴。久客保傭知。開帖臨黃字。關門變黑髭。飛蓬逐流水。何日是休時。

閒行

入肆添紅暈。出門換白衣。雉鷲過水去。雀冷近倉飛。古木半身死。鄰僧一箇歸。客中無舊識。遠望却依稀。

雪中看月

強起持杯酒。長歌命小鬟。一重兩重白。千里萬里山。凍鶴僵孤影。窮霜益老顏。客思只如此。漸覺別離頑。

無題

富貴豈非情。榮枯未必平。破籠鷹鳥去。斲竹放雲行。窮骨耽書傲。寒毛看劍生。東方唇自腐。執戟

竟何成。

讀書

拭却韋編塵。衣冠對古人。著來皆肺腑。道破益精神。把斧樵珠玉。恢綱網鳳麟。擬將半尺帚。匝地掃荆榛。

閒居

只對陳編坐。閒將稚子行。筆罷書將老。瓶響茶助成。饑鶴窺冰澗。窮鴉話夕城。江烟回照裏。轉溼轉鮮明。

乍晴卽事

寒日回霜薄。天風扇雪晴。山紋斜界路。樹影拗枝橫。海客鬚眉凍。門賓姓字生。下牀忘櫛洗。拋卷上西楹。

偶成

寒日拋殘曆。冬風迫小年。霸圖虛孟尺。貧策付邱鞭。釋悶多談史。羸歡少破錢。不簪復不履。隨意但高眠。

劉侯宴

滿斗撒珠璣。窗風射蠟暉。樂從三奏罷。酒看十分飛。參佐分山果。優人撤地衣。爲貪文字飲。少減邑侯威。

陶石簣書至

不復言餘事。唯云了卽休。山川銷斷案。花鳥罷春秋。定後窗行鼠。餐時壁下猴。自無求相意。焉用釣文鉤。

何茂倩索遊吳詩

孰嗟峨。莫漫談吳事。吳中佳事多。天高震澤網。髮細虎丘歌。只是官無那。由來客喜過。莫釐與縹緲。雙峯

子公貧病口占乞笑

病閱冬秋盡。方窮內外科。夢來牽母泣。愁覺此身多。腮涸魚求水。翎單雀竄羅。傷心談往事。悔作戀燈蛾。

揚州舟中晨起

薄月層冰上。飛飛叫去鴻。夢寒孤渚雪。茶響一鑪風。凍網懸枯木。荒崖依病楓。繁華無用處。陡覺戀虛空。

送洪子崖之歸化縣

小邑無官長。登臨費履綦。方言從事譯。山景隸人知。廡舍集鸚鵡。鄉田貢荔枝。嵐光侵簿牘。長日但圍碁。

丁酉除夕

得意人間事。經年作旅人。愁因山水減。蕩免父兄噴。蠟屐千鄉雪。公衣幾摺塵。瓜洲波起處。長日望垂綸。

登蘇門山泛舟百泉

食罷共成飯。來觀泌水泉。廢橋穿竹嶼。小舫載茶烟。方外清溪寺。人間好時田。那能營二項。風雨嘯臺眠。

其二

一葉寒塘上。孤雲信所如。東亭觀美箭。西泚訪幽居。靜玩涵波羽。幽憐避餌魚。未容狂阮籍。沉湎

汚清虛。

和朱非二山間之作

入谷非無路。鑿空尙有痕。勢危攀棘杪。力盡憩松根。天上雲烟市。仙家水石村。悠然見邃古。夢裏亦羲軒。

其二

愁絕蒼龍嶺。苔青萬古銅。嶮深憑綆汲。棧絕賴枝通。洞隔寒溪雪。僧歸石鑿風。半卷輕四岳。一笑傲三公。

其三

只覺川原變。寧知七曜同。按圖窮大地。卓笏量虛空。霞過遺仙影。雲歸識海風。人間三不朽。塵裏一微蟲。

其四

極態窮工出。摩天插地孤。平開東震旦。坐想北俱盧。白石鑰何在。青溪鶴也無。浩歌中夜月。萬里湛冰壺。

其五

雲懶飛難上。龍癡臥不醒。巴江寒蕩日。鄭火夜飛星。爐淪千年液。松留太古青。綠霞封石鎖。應是護仙經。

偕朱非二入少林至初祖洞

宿世同來否。青山記夢登。雲分新墜石。樹老舊扶藤。古番文辭印。胡鬚壁影僧。摩公真狡獪。隻履去何曾。

話無言上人方丈

杖子撥秋烟。堂頭二十年。還君半面識。乞我一蠹禪。石壁分窗看。松風對榻眠。浮生成泛泛。俱有雪毛縣。

山中逢老衲少時從征有功者

頭髮遮眉白。歸來五乳峯。夢中聞虜笑。定起看經慵。戒鐵支爲枕。衲衣挂在松。閒時穿洞壁。欲去縛寧龍。

次良鄉

勞碌豈堪憐。心情亦自偏。閒中長似鬱。途裏却翛然。草屨多生業。名山老去緣。雲嵐成妄想。渴夢走鳴泉。

次定州和壁間韻

歲歲疲車馬。勞勞憩此州。精神漸耗減。名字益虛浮。斜月微茫岫。平河散漫流。西溪蓮在否。持語去年鷗。（去年六月。飲于西溪。）

定州見拙詩楊戲題

塔上烟煤句。何人勸此中。鳴虛聊以蚓。篆壁偶如蟲。蝕去宜苔蘚。銷來仗雨風。而今真入石。泥土被丹紅。

宿趙州 是日立秋

入市不聞鶯。殘陽半麗譙。人家多畫水。買肆尙依橋。禪夢來清磬。秋心動夜條。柏林如見語。還汝舊詩瓢。

曉出柏鄉

未曉已先興。軒車帶睡登。官程膠齒飯。鄉思折腰菱。野店欹鬟女。孤菴淪鼎僧。不醒亦不醒。沙裏

鼓鑿鑿。

書所見

落日澹秋容。游雲忽自重。斜披四五樹。亂點兩三峯。馬顧橫橋水。僧歸別路松。岩深不見寺。烟裏忽聞鐘。

峭壁間見黃平倩詩悵然有懷和韻

角聲催曉關。雲冷夢初還。秋是王維句。月如李白顏。涸泉長念雨。籠鳥豈忘山。擬把一竿去。相從水石間。

潼關題壁

是日。至子夜果雨。涼風襲肌甚快。但雨不暢。夢中聞書記與快雪語。主公所乞者。洗頭盆水耳。何其慳也。不覺大笑。口占四十字爲謝。

一枕簟花涼。魂清夢亦長。雌雷方喚醒。女魃乍迷藏。雲識鬢髮氣。風知菡萏香。那能倦膏沐。千里洒蘭湯。

偕朱非二汪以虛段徽之雨中投興教寺望南山

樹古積苔痕。山高晝易昏。袖中雲氣出。塔下水聲喧。斷鼎殘碑寺。青螺紫澗村。倚闌叩京尹。還我玉峯軒。

其二

迹往休尋記。臺傾莫問年。風香來韋曲。雪色照樊川。野寺遮紅葉。人家住翠蓮。隔溪山更好。驅馬入蒼烟。

其三

檻外卽危嶺。烟中跨楚秦。石留前劫字。洞老別朝人。夏月蓮花雪。冬風暖谷春。雲深無隙地。千里瘦龍鱗。

過華清宮浴湯泉

鏡澈古苔光。溪風湛碧香。花猶知世代。水不解興亡。粉黛山川俗。煙泉歲月長。而今正好景。石骨照蒼涼。

其二

十六長湯院。阿誰似玉環。故宮秋草裏。小邑水聲間。童子驅羊去。村姑賽廟還。教他楊廣笑。破國

只驪山。(今官池。乃玉環池。)

其三

過鳥烟中迹。回風水。上痕。欲知天寶事。喚起石苔言。蘭乳飛千殿。宮雲遶數村。太真方病齒。歌拍且停翻。

其四

羯鼓弄伊涼。露花石火光。山餘繡領字。雲染碧螺香。芍藥留妃子。鸚哥說上皇。難將脂粉水。傲我白雲鄉。

其五

鳳靡鸞叱易。王圖霸業輕。仙靈洞後見。笙柷夜深鳴。野火燒連理。(泉上有連理槐。燬於火。)秋風薦側生。遙知石鏡月。恨不照傾城。

其六

東嶺復西嶺。秦鄉與漢鄉。市城雲淡淡。今古水湯湯。廢址耕斜坂。歸樵話夕陽。亂亡猶有等。最劣是幽王。

再泛百泉

欲去復停幟。瓶甌尙在船。異沙千種色。密雨一湖泉。有鶴山中夢。無人池上絃。醉歸旋就枕。帶却澗聲眠。

浪歌附

朝入朱門大道。暮遊綠水橋邊。歌樓少醉十日。舞女一破千錢。鸚鵡睡殘欲語。花驄蹄健無鞭。願爲巫峯一夜。不願緱嶺千年。

澗池和黃平倩壁間詩

落日疎林澗水。秋風匹馬咸秦。南北陵收過雨。東西嶠起飛塵。龍鎖幽崖翠乳。雷燒古樹蒼藤。穴處巢居誰氏。斷轅折軫何人。

其一

四顧陂陀無地。一螺鄉井有君。百二嶠函天險。五千道德靈文。驛路屏遮障掩。谿田錯繡羅文。思觸枕邊流水。夢牽嶠外孤雲。

袁中郎詩集 下冊 五言律下

七言律

登焦山

海門一帶霧初收。碧樹丹崖小十洲。山雜雲帆浮水上。江盤螺髻出潮頭。經堂晝寂眠蒼兕。石壁晴空挂野猴。白首閉關僧自苦。花開花落也春秋。

病中和黃道元至日禪寺夢愁詩

一番花信又成春。百結枯腸萬轉輪。鈴下久停辰後版。功曹空閣案間塵。消愁莫問弓蛇影。對境聊觀夢幻身。宮縷添來非我有。祇應添得與游人。

別王百穀

河上青霜雁字斜。西風匹馬又天涯。錦帆涇遠郎官舍。冠子橋通處士家。好事每揮林下麈。清齋長試穀前茶。東鄰不是無姝子。眼底何人解浣紗。

閒居雜題

樹老無花也自新。山茶紅似女兒脣。數莖白髮春前長。一點青巒雨後真。鶯欲下枝先作語。鵲能

占歲亦如人。錦韞金絡紛紛去。飛盡晴郊十里塵。

其一

儒衣脫卻禮金仙。三十偷閒也少年。芊草如氈花欲舞。淡烟垂幙柳高眠。興來學作春山畫。病起重箋秋水篇。酒障詩魔都不減。何曾參得老龐禪。

其二

晴日園林放好春。館娃宮裏拾香塵。癡心未了鴛鴦債。宿命多慚鸚鵡身。柳愛風流因病睡。鵲貪歡喜也嗔人。桃花不識潘郎去。又逐東君一面新。

其四

一番丹葢一番泥。何處垂楊無馬嘶。芍藥有香兼有態。山雞能舞亦能啼。陰晴雨旱勞占問。雲月風花細品題。十分漆園學得五。逍遙猶可物難齊。

其五

幽窗重鑑鬢邊絲。贏得青鬢諛少時。醯合博山烟吐篆。沙烘石子煖圍碁。靚粧却念畫眉鳥。佞巧愁聽百舌兒。笑殺陶家五楊柳。春來依舊折腰肢。

其六

縱多桃李也無言。可是然籬與映門。暖日護將鸚鵡瘴。和風吹却鷓鴣瘟。鄉書題就雙重暈。罌氣薰殘一縷溫。夢裏明明渡湘水。不知若箇似仙源。

皇甫仲璋邀飲惠山上

東風吹水浴平沙。鸚鵡鸚鵡滿釣槎。去日翟公猶有客。到來潘岳已無花。豁鱗呷雨層層浪。水碓春雲處處家。白石青松如畫裏。臨流乞得惠泉茶。

其二

萍跡猶憐滯水鄉。濯纓滿地是滄浪。罷來僊縣郎官綬。扮作青谿道士裝。沙鳥傍人眠不醒。岸花經雨折還香。相忘別後知無益。爛向春風醉一場。

元宵飲華中祕宅上

青絲華管夜從容。客正闌時酒正濃。堂上觀燈蓮品品。尊前顧影面重重。博他鏡月千迴醉。假我雲山第幾峰。麈尾奮來毛欲盡。當筵風雨約譚鋒。

其二

長竿百尺擁燈輪。濁酒千巡意轉真。霜亞殘枝花片老。雲拖輕影月痕新。訂將白石成知己。擲却烏紗是野人。漏水銷來杯不盡。當軒鸚鵡亦留賓。

飲華中祕園亭上

東風楊柳濯青枝。暖日池臺豔豔姿。巧石疎花宜對酒。文窗香閣好彈棋。饑來野鶴如人嬾。飲去河豚亦自疑。竹里辛夷差得似。天然一幅輞川詩。

得罷官報

擬將心事寄烏藤。料得前身是老僧。病裏望歸如望赦。客中聞去似聞陞。尊前濁酒憨憨醉。飽後青山漫漫登。南北宗乘參取盡。龐家別有一枝燈。

遊惠山作

柳色漸舒枝漸齊。流鶯澁澁弄春啼。花溪水赤香魚子。荒草芽青倦馬蹄。鷗鳥不行終戀侶。穀鳩無屋懶呼妻。一瓶煖貯惠泉酒。過得層巒日又低。

其一

雪後青山暖復鮮。疎黃淺綠也堪憐。高僧執卷供談柄。少婦明粧送佛錢。向子無端兒與女。華陽

多事道兼禪。浮生早被微名誤。遲向人間醉五年。

和沈飛霞代老姬別用原韻

雙龍毛羽若爲乖。銷盡琵琶十里街。燕子有情終戀主。雞皮無色強名娃。愁同班氏秋來扇。願作楊家多後釵。桃葉桃根君記否。當年親指帶如淮。

踏堤曲

濃綠疎黃總占新。六橋風日更精神。柳腰似欲爭遊妓。鶯舌分明喚醉人。暖谷蒸香疑作雨。芳蹊吹汗不沾塵。洛妃謾欲凌波出。曹植荒唐恐未真。

其二

畫閣層層出曉波。東風湖面軟於羅。佳人穠李山花髻。蕩子垂楊水調歌。蝴蝶意間隨夢去。鴛鴦情熱奈春何。蘇公雅亦稱相識。浪比西施媿已多。

其三

桃葉成蹊柳作行。東風吹熱少年場。趙家姊妹皆端正。謝族兒郎有短長。陌上口聲多汴語。壚頭結束盡唐裝。吳歌越舞顛如夢。不是湖山也斷腸。

其四

亭亭如月婉如春。堤上樓邊總麗人。柳汁染將袍色嫩。梨花吹落粉痕新。珠簾欲度聞仙語。寶屐初移拾翠塵。宋玉也知空作賦。越姬十倍勝東隣。

飲第六橋酒壚上

流芳亭畔草如油。墮粉吹香歷幾秋。鄂國有祠爭下馬。西陵無主漫登樓。玉龍釀熟多酬直。土哺魚肥易上鉤。南北諸峯收不盡。朝朝放艇過蹊頭。

遊虎跑泉

竹林松澗淨無塵。僧老當知寺亦貧。飢鳥共分香積米。落花常足道人薪。碑頭字識開山偈。罏裏灰寒護法神。汲取清泉三四盞。芽茶烹得與嘗新。

贈虞德園兄弟

霜庭五葉晚抽枝。喜得猶通一線兒。持戒每嘗無味水。閒情多賦落花詩。台宗賢教誰能識。何肉周妻到底疑。若使相逢不吐胆。更於何處覓相知。

雨中過蘇

二年前事似前朝。記得朱顏箇裏銷。雨雨風風新震澤。車馬舊虹橋。塵來不上雙行脚。病後猶存一捻腰。是我萬般辛苦地。如今閒話儘逍遙。

其一

無官有客尙留吳。難道陶潛不腐儒。魂亦尋花如蛺蝶。夢惟逐浪似鶉鷓。孤燈影瘦寒山寺。荒草流青夏駕湖。學道參禪都未澈。一毛聊得比楊朱。

廣陵別景升小修

搔頭幾日見新絲。二月河橋上馬時。長短官街驚夢鼓。高低楊柳冒腸枝。江烟一擔充行李。流水三叉各路歧。北地南天千萬里。青巾白帽幾人知。

秋日同梅子馬方子公飲北安門

閒對枯槎與釣緜。暮雲斑駁似龍鱗。青山不許談新事。白鳥如曾狎故人。宮閣參差十里水。衣冠包裹一生塵。西門車馬東門月。冷熱從誰問假真。

伯修齋中

幾點秋毛染鬢斑。深衣長褐古銅鑲。榻邊石骨抽枯筍。盆裏松根露淺山。霜月洒來如白酒。菊花

老去變紅顏。雞聲未動聽宮板。已在車塵馬足間。

齋中偶題

凍風吹落壁間塵。溫閣投花養瘦鱗。山水情多長愛畫。旃蘭氣少亦清人。鎗鼻側畔觀時變。冠帶場中看偶新。野語街談隨意取。懶將文字擬先秦。

閒居

藤帶絲袍強束身。北風雖厲不吹塵。軒窗盡日閒諸史。眷屬經年斷五辛。官牒注來呈府吏。俸錢支得與門人。牀頭一夜西湖語。霜色蕭條上角巾。

其一

空街羸馬有何榮。寂寞繁華兩不成。破懶始知經有味。送眠微覺酒多情。腮毛未老隨霜換。肺病無根見臘生。收拾閒烟與閒水。憑將筠管作干城。

其二

幽房睡足簾紋紅。香鴨灰烟喚小童。絃裏亂流崩谷水。瓶中微帶入松風。身心何處謀長策。鬢髮而今漸老翁。淨榻如綿窗似洗。明眸皓齒話虛空。

其四

百柄層層煖蔽身。道書觀了且存神。懶心不慣思朝事。法服無端裹野人。芟葉箋中書小偈。柘枝風裏拾陳薪。江湖凍裂冰皮老。霜郭時時有巨鱗。

其五

空齋獨坐擁殘薪。筆有枯芒研有鱗。夢裏風窗聽似語。山中烟樹念如人。兒童也解談東事。簫鼓何因動北隣。竟日飛蠶無却處。一層吹了一層塵。（時東議紛紛。）

其六

霜鶴啣冰且忍飢。窮沙休憶稻梁肥。低碁動欲求先著。鈍鳥焉能不早飛。身分無多難了事。酸迂那得濟時機。長安未有膠粘脚。日日開門放客歸。

戊戌初度

卑官自覺與心安。五畝無家去亦難。氈榻所親唯老易。儒衫相對幾孤寒。香茶每供鄰僧去。院樹時同小弟看。雪色照簾花颭水。濁尊聊復對空盤。

其二

禪燈灑灑雪玻璃。貝典將來戒小妻。客裏羈情籠野鶴。鄉中春夢閱山雞。灰心竟日疎莊子。彈舌清晨誦準提。無限長林無限羽。一枝那復計高低。

其三

閒居心似夾冰魚。雪裏輪蹄亦自疎。研酒和來香泛帖。瓶花吹落溼沾書。艱深乍覺詩如讖。消散方知道是虛。一卷雜華誦未了。被人邀得過僧廬。

其四

清溪曲曲幾千松。夢裏開門看鶴踪。鄉計久要桃葉渡。客程長念北高峯。笙歌漸漸于人懶。山水時時覺話重。六載牽羈成底事。不如瀟洒學爲農。

贈黃平倩編修

窗前獨種菴婆羅。石火風燈不浪過。箱帙夜繙塵牘少。客衣春晒衲頭多。毫端潑潑書巴水。枕上巉巉夢小峨。詩有餘師禪有友。前希李白後東坡。

十六夜和三弟

涼月如霜鑿薄帷。空杯無計覓糟醅。買鏡聊復歡兒女。弄筆粗能遣歲時。花火每攢騎馬客。蠟光

先照走橋姬。少年樂事今無幾。近老方知此興衰。

和陸放翁初春遣興

疎散庸庸寄一官。匡牀趺坐覺身安。聊將古道酬賓客。免把閒思累腎肝。螢火幾時能脫腐。醯雞無日得離酸。東風已放西門柳。凍水冰條亦解歡。

游高梁橋

花時晴色釀芳原。出郭猶如出檻猿。霧質風稍新柳縷。皺皮瘦骨老藤根。紅雲尾變知魚熱。碧嶺紋繁覺水溫。耳聽碧流心翠嶺。閒談恰已到山門。

暮春同謝生汪生小修遊北城臨水諸寺至德勝橋水軒待月

一曲池臺半畹花。遠山如髻隔層紗。南人作客多親水。北地無春不苦沙。熟馬慣行溪柳路。山僧解點密雲茶。滿川澄月千條縷。踏踏蒼波過幾家。

其二

無才終是樂官閒。何地何賓不解顏。乍疊乍鋪風裏水。半酣半醒霧中山。御溝板落金鱗出。宮樹花翻乳燕還。淺綠疎黃是處有。泥人真自勝姬鬟。

和韻贈黃平倩

逍遙未必是無官。割累忘情夢也安。入室祇容金相好。伴身唯有鐵腸肝。蓬萊監裏真先輩。冠帶場中老細酸。一帙維摩三斗酒。孤燈寒雨亦歡歡。

卽事和韻

柳下何曾耐小官。青氈綠簡且偷安。空窗淨閣銷塵眼。時草新花養病肝。廟市客來詢古字。糧船僧至餉吳酸。密函怪牒閒搜取。鈔得仙方寄所歡。

送顧升伯出使還吳

四月西山雨過時。簫吹闌道沸旌旗。痛憐知己他鄉別。嬾作諸王奉使詩。繞驛青蘆呼水鶴。渡江白筍薦冰鱗。雕窗畫舸堂堂去。閒解言綉看小兒。

其二

青巒生色水生波。處處吳姬餉酒醪。震澤有山皆樹橘。虎丘無月不聽歌。潮田沒去春畦少。儂語說時怪事多。近日押徵知不免。閭門風景看如何。

送夾山舅令太原

踏盡層巖見稔畬。烟巒雞犬若仙家。公亭客過開生釀。石室僧來判種花。竹下簿書閒草偈。山中
人吏學烹砂。高槐影靜莎庭裏。香散屏空放早衙。

其二

閒將公事了尊壘。郭外青山探幾迴。從事也因流水出。長官多爲踏花來。印文長日封蒼蘚。簿筭
經年長盡灰。身是嘉祥舊令尹。東西歷盡始知才。

送黃貞父令進賢

撇却孤山舊葛巾。暫時朱紫縛閒身。高才正不須違俗。七尺何妨也拜人。花裏課書分小吏。山中
留偈謝高真。直將數斗西湖水。一洗南州案牘塵。

邱長孺自塞上來

百錢買得梨花春。洗却并州面上塵。萬里質田無售主。一生知己是貧人。扶搖不肯吹飛絮。尺水
如何縱巨鱗。醉起彎弓猶一石。清時羈紲老麒麟。

和江進之雜詠

山亭處處挈胡牀。不獨游忙睡亦忙。官况易消如暴水。癡兒難長似黃楊。巖花盛日求長假。石榻

開時見古方。擲却儒紳與巾子。添將冰水注茶湯。

其二

盆池清淺薄苔封。弱竹叢叢箇影重。殘帙有芸猶被蠹。空闌無藥亦招蜂。西山鬱鬱秦秦氣。講閣朝朝暮暮鐘。箬葉數筐書五尺。芥茶新寄自吳儂。

其三

藤葉常懸四五葩。閒隨方罫過鄰家。西廂托疾東廂假。南寺聽經北寺茶。蝶老花闌如倦客。天清雲薄似飛紗。姬衫典盡瓶猶餒。學把緡錢托畫叉。

其四

六尺莎階九尺廬。玄毫白楮任生疎。花前屢泛擯愁酒。架上聊存引睡書。斬竹細紋如浪滑。吳綉窠緯似雲舒。幽窗一枕騰騰去。煉佛求仙事總虛。

繁臺張昭甫給諫竹居王孫邀飲留別

白果青蔬勞遠程。高臺傾矣曲池平。沙田似雪耘枯塚。柿子如丹綴土城。古漬有無遺宋嶽。監門應著識侯生。欲知別後愁多少。試檢霜毛添幾莖。

柳浪館

徧將藍澹浸春顏。風柳鬢鬢九尺鬟。鶴過幾迴沉影去。僧來時復帶雲還。閒疏滯葉通鄰水。擬典荒居作小山。欲住維摩容得否。湖亭纔得兩三間。

其二

一春博得幾開顏。欲買湖居先買閒。鶴有累心猶被斥。梅無高韻也遭刪。鑿窗每欲當流水。詠物長如畫遠山。客霧屯烟青篋裏。不知僧在那溪灣。

雨中坐方平弟旃檀館卽事

柏屏藤格徑森疎。闌外蔬畦十畝餘。坐客始聞烹水法。高人時有乞花書。瓶中熟結香尤老。雨後山茶韻不如。本欲死心無可死。爛紅堆裏話清虛。

伯學齋中話舊感賦

相逢各自歎秋姿。長憶春郊走馬時。細竹也來成老節。稚松何意見霜皮。眼中幾度消寒水。鬢裏公然長禿髭。十五盛年看又過。不知誰是蠟梅枝。（時蠟梅盛開。）

別程彥之歸吳

無成何用出昭關。眼底濃華閱幾般。陸品攜來尋白水。謝家將去入名山。縑寮乞作分桃懣。練恰羞歸擲果灣。七十二峯青朵朵。嵐光只在屋楣間。

夢中得詩醒記中二聯足成之

散髮長吟澗水邊。吹烟唾月小遊仙。也知紫閣雙扉夢。不破青溪半枕眠。避客偶然拋竹屐。邀僧時一上花船。無心更着紅衫去。學得寒灰古木禪。

坐王章甫水明樓

繼光設色淺深間。萬瓦鱗鱗鑑碧灣。孤塔自來當沔口。高僧相過說廬山。常時杯底沈黃鶴。每就堂中乳白鷗。南北精藍青比比。蒲團纔得箇人閒。

赤壁懷子瞻

夜深清拍嫋楊枝。鶯起澄江白鷺鷥。過客爭澆赤壁酒。幾人曾和雪堂詩。山民自種元修菜。石榻剛存乳母碑。見欲鑄金範老子。柳浪湖上拜新祠。

寒香

寒香冥冥上屏紗。活火烹泉石碾茶。溪翠柳烟爭壓疊。雪條風幹互欹斜。旋開糴社通蓮社。痛飲

南家又北家。禪榻歸來清似洗。醉看紅燄吐膏花。

無念同余迎先伯修賦此爲別

瘦石如何比老顏。纔留筋骨在人間。一舟破衲慈明哭。幾葉寒帆學士還。病久思歸黃竹嶺。衰來夢上戒壇山。江西湖北頻來往。學得心閒似水閒。

寄黃諭德平倩兼申玉泉之約

宦情擬上武牙灘。世味真吞栗棘丸。腕上千珠胡語熟。秋來一影射堂寒。面慈每覺違心易。肌疥當思忍癢難。楊木如菴茶似掌。藍堆山色倩誰看。

初正偶題

慣懶無心更出關。清時夢亦趁人閒。幾回寺裏尋花去。獨自江頭看水還。處世漸同栗子里。全家擬住玉泉山。千谿萬碧何由見。只是蒼枝也破顏。

久不到沙市矣感賦

斑髮今來是老成。緇衣聊復大堤行。見僧每憶年多少。觀水因悲物變更。率爾扣門常悞姓。偶然題壁不書名。章臺寺裏曾遊處。古棘叢篁遶地生。

久雪忽晴喜而有作

殘花殘木總精神。纔見寅年一日春。柳態美如新櫛髮。山容親似遠歸人。閒追老衲三餘輩。更踏冰池五六巡。江郭早須騎馬出。旋呼稚子覓頭巾。

示度門

北平曾記寫疏時。黃帕親封下赤墀。三十四年薄宦客。一千七衆講經師。藍堆山續開皇詔。仙掌茶抽穀雨旗。鬼斧神工仍七日。直教重勒玉泉碑。

放言效白

掉頭誰擬作公卿。只合林間樹下行。臧是穀非憑耳過。元輕白俗任詩成。有身祇作他人看。無事休將造物爭。夜踏芒鞋深雪裏。自呼東郭冷先生。

其二

賢愚富貴且憑他。山上髻鬢柳上娥。鐵網試撈穿海月。漁舟任截過頭波。齊肩大士辭葷久。禿髮中書感事多。船上老郎江上女。啣唾容易得成歌。

其三

鸞靴爭說上場難。衫袖郎當且自看。世路兩平三尺嶺。人情八折九迴灘。胸中毛女霞千片。石上王喬藥一丸。夢去幾番登岳頂。扶桑清水浴禪盤。

其四

高人竊欲比無功。閒把心情托去鴻。易象有時輸瓦卜。騷材兼不廢媿風。謀生拙似啣冰鶴。觸事剛如蝕木蟲。莫放大鵬天上去。恐遮白日駭愚蒙。

其五

抹却濃嵐作羽衫。撫松終日坐枯巖。盜悲老氏折衡斗。馬謝莊生稅轡銜。青鳳下來傳古字。白雲飛去護仙絨。芝田數畝那耕得。收拾山中木柄機。

卷中見亡友王官谷姓字感賦

殘墨猶香落姓名。孤缸清夜淚交橫。公然黑髮人將去。畢竟青山約未成。心事如冰見底裏。交遊於我快平生。柳浪湖上深更月。料得詩魂近水行。

其二

雲霞擬置別堂春。其奈些兒露水身。碧柳典來求古佛。青鬢嫁去事高真。一生書畫皆償債。數畝

琅玕也賣人。湖石迤南楸子北。哭君此地最傷神。

苦雪戲作

十日不會開木扉。強風苦欲弄殘威。辜他媚媚明明節。只作團團絮絮飛。琴客已聞將鶴賣。詩翁又訴打花稀。山人欲取畫中意。故着紅衫戴笠歸。

新買得畫舫將以爲菴因作舟居詩

擬將船舫作安居。載月凭風信所如。魚鳥教他爲侍史。雲烟呼我作尙書。居如老蠹身藏木。行似蝸牛首戴廬。下無卓錫上片瓦。致身今日在空虛。

其二

囊中隨意貯青蚨。歌吹雖喧不可無。隱逸也須添故事。江山真合點狂夫。隨身恰似天宮殿。寓目皆披水畫圖。甲子不須頌鳳曆。但看蓮發與蓮枯。

其三

五湖不是學玄真。且喜素衣不上塵。家移碧纈綾中住。身是屏風畫裏人。閒追船子咨行脚。老倩中峰作近鄰。一柄蒙頭萬事已。無懷民與葛天民。

其四

鷓鴣魚社作新知。纔唱楊枝又竹枝。風打白蘋來夏口。雨深斑竹過湘祠。不愁入目山無態。只怕磨心景要詩。喚作朱公些子似。當窗祇是欠西施。

其五

峯巒曲折水灣環。時與遊僧作往還。暫爲書碑來禹廟。纔因買橘上包山。心關網密聊成嘆。夢裏雲牽偶不閒。慎勿誇張竿水過。惹他桑孔算魚蠻。（末句見坡公魚蠻詩。）

其六

絲烟絲雨潤江湄。又到花嬌鳥嫩時。杜宇一身皆口頰。垂楊通體是腰肢。閒觀水態思吳壁。暗記方言證楚辭。鸚鵡太文鳧太野。就中潔白是銀鷺。

其七

更無他物作遮闌。但得心忘夢亦安。渭水一竿猶有待。巖灘百尺也無端。魚龍直作雞豚狎。荇藻卻如蔓棘看。莫把古人來比我。同牀各夢不相干。（末句用陳同甫。）

其八

舟居元不卽田功。稍與農家節令同。縱小也妨月額雨。雖暄不用卯頭風。纔聞攤稅征漁戶。又說抽丁報老翁。每被山民來借問。今年湖北幾都豐。

其九

全家相次入烟雲。老鶴稚鷗共一羣。便與青山堅作誓。免勞白水更移文。澄江夜月連天泛。古澗寒聲徹歲聞。欲把姓名通遠嶠。函書先達武夷君。

其十

聯將幽思托芳菲。閒月閒花總息機。青草蓋蹄黃犢喜。白波點尾翠禽飛。江籬不作牢騷詠。神女全拋豔粉衣。縱有志和難比我。我能容得鰕魚肥。

期蘇潛夫遊玉泉竟月不至及至而余復以大人病瘡歸于其行也以
訊之

江程纔隔一牛鳴。人事參差奈此行。枉把青山來作夢。孤他白石上題名。花間廢巷查遺跡。雪後崩崖戰水聲。到日天台應寄訊。講堂久矣待袁生。

花朝和坡公韻

絲絲新柳颺堤門。早晚南村又北村。風信煖寒觀樹色。藥苗深淺記竿痕。行來漸覺姑臧重。靜裏頻將姤火溫。是物逢春皆作語。子規未必是啼魂。

是日新晴

一泓幽碧照籬門。偶爲題名過遠村。愁去東風消凍液。喜來春草迸苔痕。鶯花又作新晴看。山水閒將舊譜溫。東野浪仙誰在者。苦吟清句當招魂。

述舊西山下有門頭村多精藍

探春猶記出青門。先問門頭第幾村。近水只觀娥散影。匝堤唯見酒淋痕。花時乞假朝參少。醉後聯鞭笑語溫。是日把杯人已往。雛鶯新柳也傷魂。

習池道中

深岩寂寂石花斑。完却塵沙車馬顏。是客競來嘗白水。幾人休去伴青山。雲泉到眼無多熱。金紫蒙頭第一關。三尺磨崖書大字。人生到此是清閒。

七真洞贈道者

雲烟回合蔽仙關。萬仞斜通一橘山。事往已迷新甲子。洞深忘却舊人間。橘皮鶴下遺雛去。蓴綠

花來採藥還。白日餌將三五斗。方瞳如水照丹顏。

長生巖逢休糧道者

只將空榻伴隣响。踏遍桃花澗底春。一口也攢爲長物。諸緣皆可作飛塵。施來白粲都飼鶴。種得黃精每寄人。留却石爐烟少許。深山遙夜禮高真。

秋日柳浪館雨中王以明劉繩之見過

西風索莫午烟遲。一萬垂楊裊裊絲。夢裏也隨僧入社。閒中多以頌爲詩。遊鱗翕處常分藻。惜羽棲時不論枝。沙碧水清雲激激。禾花將綻藕花衰。

館中再用前字寄王以明

閒丹閒碧長秋思。水榭風軒分外宜。老衲寄書離岳久。田家留語赴齋遲。楓堤北枕西湖廟。灑水斜通濯足池。免使韓公嗤糞壤。園亭是處有新詩。

藕塘

藕塘風起散花鱗。踏徧溪橋不上塵。餓鶴偶來添半口。浮雲忽破現分身。每嫌蕉葉遮簾子。爲觸番書置淨巾。自起澆莎沃白石。清閒賴是不如人。

山居

山居只索任天真。無作無營自在身。青葉髻呼雛弟子。白蓮湖老惰耕人。偶逢上座學觀骨。免與東方難腐脣。一笑蒙城門下土。幾歸滄海幾飛塵。

九日偕諸弟及僧泛舟至和尚橋

蘆花風起雪平川。數畝荒洲倚廢蓮。小榜乍依沙子岸。鷺禽忽破水條烟。閒移竹影莓苔地。坐愛溪文荇藻天。且與鷺鷗相伴着。平分僧月載歸船。

玉泉寺

藍堆翠撲幾千年。銀浦何人也覆船。龍伯徒來方闢地。蠶叢綠此遂登天。紅霞抹額將軍拜。白石橫烟幼婦眠。閒與故人池上語。摘將仙掌試清泉。

哭夾由先生時先伯修歸窆

河陽三度放花春。畢竟拋他鳧鳥身。左手直教持老子。空閨斷不哭佳人。苔深舊竈丹池冷。生好服食。胞發金臺白朶新。淚眼一絲能幾許。那堪分酒兩家塵。

余蔬食二年矣。偶因口饑遂復動葷。輒爾有作用。呈諸衲。不獨解嘲兼

亦志愧云爾

愛持空鉢嚼花寒。白水青鹽也自安。山色每呼櫻笠去。月光只付橘皮看。偶逢白社新開釀。又學山公倒着冠。珍重往年趙闕道。略將鮓脯問蔬盤。

柳浪初正

旋除白髮號衰翁。舊業今緣次第空。山鳥乍聞新格磔。峽僧遙寄小玲瓏。坐消纖雨輕陰日。閒踏疎黃淺碧風。收拾方橋與蘭槳。待看紅蓼慢流中。

舊太守徐濱岳觀察岳陽偶道敝邑詩以送之

江風灑灑綠條絲。父老爭來拜戟支。門外熊羆攀處子。掌中貂虎弄嬰兒。肝腸似月冰皆徹。惠澤如春草不知。一片酒香湖上石。摩苔重寫洞庭碑。

代送徐觀察

章臺春嫩碧芽肥。又見陽和使者歸。南紀霜崖留政蹟。洞庭波月澹容輝。弱蘿有寄千尋直。孤鶻乘吹萬里飛。三載少林門下士。謬持空鉢乞傳衣。

和萃芳館主人魯印山韻

乍雨乍烟作豔陽。高齋幾度角杯觴。偶逢竹冷溪幽處。只覺山心水味長。松下壓槽經月醉。花間彈局一枰香。主人恰似玄真子。細雨斜風載滿航。

其一

愛看幽鳥曝新陽。每遇嘉陰卽倒觴。盡日竹烟消酒去。有時鶯語入簾長。春塘雨過波紋亂。花塢風回蝶翅香。行到碧橋深柳處。一帆涼月滿吳航。

其二

蘿石森疎倚夕陽。主人投轄客傳觴。天高未覺鵬鶩曠。松老方知鶴夢長。山雨山煙濃淡着。溪紅溪碧淺深香。醉來一覺雲門路。藤枕桃笙泛越航。

其三

幾回傍檻折迷陽。流盡春槽曲水觴。竹色淺分溪浪滑。花枝斜照夜鬢長。清言屢射當場覆。豔語頻勾隔座香。皂帽青鞋從此始。敢將瓢笠附輕航。

其四

幾番對酒惜頽陽。聊爲飛英送一觴。竹裏葵蔬尼客久。山中甲乙倍人長。仙畦屢溉新分藥。道峽

猶薰舊賜香。上馬揖來無別語。米家曾乞載書航。

柳浪偕諸客偶題時午節將至

榴花歷歷爛青枝。又到分絲剪艾時。布穀語乾辭社老。寒臯舌長畏童兒。酒人每自欺新戶。騷客頻來競險詩。花路柳關閑不啓。免將肉面照清池。

題澧州沈大夫加恩冊

碧水青崖戀主人。呼他魚鳥作齊民。山中不問栽蘭戶。庭外長留駕鶴賓。官舍有時推洗石。印牀無事只生塵。渚宮巴國爭傳語。看取天花暈錦新。

謝魯印山惠舟兼答來什

白鷓飛來油口濱。尺書啣得自修鱗。憑將貯月籠烟水。泛我輕雲冷石身。濯足且呼回道士。浣花先約杜詩人。鑑湖一曲幽如許。賀老終當作近鄰。

書尾以濟川見期非所望也因述鄙懷以報

巨川舟楫竟如何。不那湖湘烟水多。蒼藻自然生遠沚。鳧鷖終是樂清波。環池匝木伸長統。細雨斜風張志和。白日黃雞底相惱。玲瓏爭不爲君歌。

湖亭對月述懷同散木賦

竹氣荷烟冷不分。石泉汨汨夜深聞。每隨流去呼杯子。但覺風來掃樹紋。百畝池臺唯貯月。一家生事只依雲。廢菴枵木頻棲止。漸喜從鷗不亂羣。

中秋對月同散木作

百年看月幾迴盈。那得中秋度度明。縱使清光常滿滿。若無勝地也平平。朱樹碧榭垂千畝。白水青霞過一生。醒卽抱鎗眠卽枕。腮毛漸漸有霜莖。

偶成

自將白水照衰顏。也合長林豐草間。便欲易名辭故國。只愁借姓與青山。溪邊酌月傾高戶。花下題詩嫁小蠻。海錯一筐書半紙。門生新自浙東還。

寄小修

鄉園是處有花芳。不敵深山老萼香。十載交遊填上國。一朝文字榜都堂。玉因別足多酬償。砂到飛身始驗方。社曲城南饒古寺。休將名姓語支郎。

山中舊齋

山禽漠漠墮霜翎。戶外長搜老茯苓。蒲柳根中抽夏筍。桃花枝上寄冬青。竹蜂入壁垂千穴。天棘縈絲滿一庭。猶有數行殘粉字。古槐西角舊傳經。

答魯印山見賀新居之作

東亭故宅昔曾過。旋着新花剪舊莎。簾遠頗宜低度曲。門寬兼得大張羅。鳩巢喚婦真成拙。蝸屋隨身也覺多。試問柳浪湖上柳。幾回秋草幾春波。

癸卯初度筵中示社友及兩弟

拋他銀綬去躬耕。半踏鄉村半市城。竹大許年成老友。梅開是度作同庚。但憑髭髮稱前輩。轉覺聰明畏後生。紫鳳檀槽香拍板。聽來都肖水泉聲。

集五弟春草堂

草堂紅碧盡離離。輕熱輕寒正好時。種藥且收曾效子。修花惟去最低枝。窗間番舌聽言鳥。堤外風鷺看小兒。欲與少陵添故事。入春新作海棠詩。

浣溪莊落成同社中諸友賦

一澗澄碧一絲縉。洗却平泉草木塵。溪上唱歌隨孺子。樓頭作客盡仙人。鷓鴣帶月移西瀆。蛺蝶

分花過北隣。白石青山從此始。不將簪帶惱居民。

其二

溪光挑燄煖紛紛。漸遠喧囂漸不聞。塔下每流無械水。窗間時有不歸雲。糟壇屢建三章約。花社新頒九錫文。一曲垂楊十里板。醉中偏倚石榴裙。

賦得溪上落花

碧溪香重水鱗鱗。飄雪回風舞最新。欲止又飛如照影。乍開忽亂似分身。愁深孝女江頭月。夢逐陳王枕裏人。欲把遺芳付仙子。任他楊柳六街塵。

余友黃鵠生與所暱相去二舍爲置符以召各藏其半題曰花信風社

中雅其事作詩詠之

割得銅符與小蠻。一回和着一開顏。香封字字花題驛。錦騎程程月作關。雲裏快呼王母使。雪中愁上蘂砧山。劉郎謾恨仙途遠。流水桃源咫尺間。

其一

藥珠新節出仙官。使雨召雲也不難。油壁車中呼小小。善和坊裏取端端。江頭作押逢青鯉。花下

移文付彩鸞。縱使黃河如帶水。雙筠依舊碧琅玕。

雨中集龔名世平遠樓

江干絲雨洗殘春。瘦朵濃條取次新。桐葉烟中遮去艇。麥苗風裏數行人。鐘彝屢辨商周識。絹帖閒翻晉宋塵。碧草青畦煩指點。尙書高壘臥麒麟。（樓近王襄簡墓。）

四弟旃檀館卽事

淙淙石脉溜春渠。長日關門掃地居。蓮葉漏中傾研汁。木香花底讀方書。叢筠傍屋多藏鳥。小市通江易得魚。洗墨焚香幽事了。庭莎塔草任澆鋤。

和散木韻

暖風吹雨漑花畦。榮辱何勞問木雞。窗下止容三畝月。門前新着一丸泥。功名且自輪諸弟。家政都將付老妻。碧水丹崖身自領。黃柑斗酒伴鶯啼。

其二

廢垣耘得作春畦。幽客時來載黍雞。蜀葛細裁三尺雪。吳瓶遠餉一封泥。全家羯末封胡弟。半百高柔菜子妻。蔬水雖貧聊自解。幸無飢苦使兒啼。

集子靜水明樓聽歌仍和散木韻

百畝春臺蓋碧畦。玲瓏且莫唱黃雞。青絲縷冒鴛紋水。紅袖頻麾燕嘴泥。峴石坡前山簡客。天花場上淨名妻。千枝萬朵黃家去。聽取嬌鶯恰恰啼。

散木方鰥誓不娶詩以嘲之仍用前韻

漢陰無侶灌蔬畦。枯枕寒缸坐曉雞。未許少湯能沃雪。也知狂絮不粘泥。家鳥自伴龜蒙語。野雉聊爲牧犢妻。割袖分桃聽懺悔。辟將黃葉止兒啼。

偶成示衛道人用前韻

丹爐成砌藥成畦。枉把刀圭事犬雞。料得此身雖暫毀。辟如土偶乍漂泥。寒山宛爾稱兄弟。龐叟隨緣示女妻。未轉枕來殘夢了。晨光又動曉鴉啼。

竹香

澗雨拖烟溼幾叢。空塔十畝月玲瓏。但憑一抹高寒氣。洗盡千稍豔粉風。深院鶴醒人去後。孤雲僧老鼻觀中。松花柏子差相得。纔有微芬也不同。

其一

削盡穠華是此君。碧欄銀沼醉氤氳。全憑出格幽微韻。體出無聲太古文。定裏只消風引月。夢來唯覺水依雲。機材寫盡湖州派。清冷知他聞不聞。

喜小修至自燕

藍衫脫却乍歸鄉。心了無官也不妨。客過試開陳白釀。病餘聊復地黃湯。謾追舌底新朝事。且覺山中舊睡方。拚取大觥與長管。一齊闌入少年場。

碧鮮樓小集談養生

浮榮歷盡嘆膏花。曉起方知鬢有華。宏景道成矜白日。樂天老去事丹砂。聊開小閣延方士。拚取深閨鎖夜叉。雲外鬚眉烟外語。一瓶相對社前茶。

偶成

白頭學得一無成。倦卽拋書飽卽行。漸老始知窮本草。多閒方喜讀淵明。東家流水傾莊買。西角叢梢遶屋生。擬與樂天爲近舍。借他歌板佐鶯聲。

入德山舟中偕寒灰冷雲雪照諸衲子及雲影居士月中有述

一帆斜月墮澄川。似有人呼鐵笛仙。老至青山爲眷屬。生來白社有因緣。幽探處處書成卷。淨侶

年年載滿船。料得浮蹤無定止。住如竿影去時烟。

龍君御載酒過德山見訪一別十三年矣感念存歿不覺悽然已復自
笑舉觥相樂遂大醉

十年一瞥意蒼茫。話到青山且盡觴。免與泡瀰愁起滅。聊從烟水決行藏。閒吹玉笛翻新曲。醉倚
天花入道場。試去武陵谿上照。頭毛白盡老蕭郎。

德山簡劉憲使

碧渚蒼烟分外奇。浪中丹雉影離離。雲開絕壁趨庭吏。溪盡春杯見戟枝。暇日山牘多對語。清時
苗部也傳詩。南陽子驥今誰是。正好從君覓路歧。

其二

龍潭秋水碧鱗鱗。好向桃源去問津。雲裏高牙如洞府。花間生齒類仙人。嗟他善卷非同世。記取
金剛是故鄰。爲語殿西三桂子。青蓮今已悟前身。

別龍君超君御兄弟

青鞋不破武陵春。歸去西風一面塵。荷葉山頭聞杜宇。(余村居名荷葉山)桃花源上別秦人。

深村稻熟泉當戶。廢苑茶香寺作鄰。可是無花無地主。祇緣無計得分身。

託龍君超爲覓仙源隱居詩以寄之

雲石村中且卜廬。憑君爲買一峯餘。全栽芝菊爲疆界。盡寫雲嵐入券書。門對仙童澆藥地。巷通毛女澆花渠。閒中每愛天台去。好與劉晨間屋居。

賞螢谷七夕露坐

山亭漠漠冷秋烟。只在懸藤古石邊。眼裏何曾離好竹。耳中恰似有鳴泉。稍開僻徑通斜月。坐看明河憶去年。巴水正長天正闊。綠楊門外有酤船。

送唐堯膺北上

蒼顏白髮竟何成。醉裏酣歌指帝京。喜與中郎分姓字。羞從桃簡覓公卿。健鷹每欲辭韉去。俊馬唯須帶骨行。君過酒人罇上看。荆高到底氣如生。

送羅服卿還夷陵兼柬陶孝若年兄

缸花吐盡醪杯重。惜別綿綿話曉鐘。雙髻奚奴肩繡。一鞭驄馬出芙蓉。但知作叙干皇甫。未覺籠鬚笑士龍。寄語歐公門下士。青鞋將過紫芝峯。

閏九月菊

殘黃疎白也堪憐。舞向先生屋角邊。一與清閒爲伴侶。幾番瀟灑歷風烟。霜林已是呼先輩。秋蝶無因識暮年。拚取家醪三百盞。葛巾狼藉枕花眠。

過田我在鶴墅

小窗低檻綠氤氳。門外車騎了不聞。五畝池臺三畝宅。一停花竹兩停雲。蠻姬借引罇前笑。濁酒催舒面上紋。爲語窮顛王老子。幾人開口得如君。

初冬夜同郝公炎龔散木閒談

雲樹蕭然丈石居。清曠遙夜薦霜蔬。佳言屢似飛香屑。往事真如繹故書。窗外影閒雙睡鶴。燈前手冷一編魚。寒花瘦竹差相得。白首承明夢亦疎。

郡人來言楚事久未得旨感賦

皂囊飛羽掣風馳。不道天關叫亦遲。漢法自應裁大尾。淮南何意袖金鎚。黃蒿野望千家哭。白髮心傷一路危。王業艱辛二百載。漫將九鼎綴輕絲。

其二

塵頭飛騎竟茫然。望盡雲稜口角邊。稅使逐來纔兩載。楚人機動已三年。從知鹿死非陰地。轉恐鳥橫欲暮天。國體藩規俱莫論。老臣塗血也堪憐。

月下過小修淨綠堂試吳客所餉松蘿茶

碧芽拈試火前新。洗却詩腸數斗塵。江水又逢真陸羽。吳瓶重瀉舊翁春。和雲題去連筐葉。與月同來醉道人。竹影一堂修碧冷。乳花浮動雪鱗鱗。

甲辰初度

偶然臨水見蒼顏。且喜安身紫翠間。老去無心防白髮。衆中開口問青山。文書狼藉恣情看。賓客逢迎學語閒。三十七年恆河眼。試觀那似舊潺湲。

其二

閒花閒石伴疎慵。鏡掃湖光岸幾重。勸我爲官知未穩。便令遺世亦難從。樂天可學無楊柳。元亮差同有菊松。一盞春芽融雪水。坐聽遊衲數青峯。

其三

弟兄相對黑盈顛。便是逍遙地上仙。瀟碧堂中雲委地。柳浪湖上雪翻天。長縑古褶緇黃隊。皓齒

修眉水石邊。不道爲官無一可。爲官無此日高眠。

其四

溪流疊疊遶山扉。手植檉楊許大圍。夢裏不思龍尾道。閒中聊葺鹿皮衣。要圖麴蘖千回醉。且作檜楸數步飛。濯足亭中人姓呂。踏花時過釣漁磯。

五弟生日同諸公集春草堂得文字

寒月高齋子鶴聞。竹烟梅雪冷紛紛。偶然筆落珠成字。悞被人呼鳳作羣。萬石廁論香史冊。八荀杯杓走天文。眼中鬚鬣聯翩去。任我南山北嶺雲。

又次三弟韻

文藻於今更老成。風流人識小馮名。胸中早有吞牛氣。卷上時聞擲地聲。五字詩催筠管亂。一簾香散酒籬橫。他時得第煩天語。幸免鞭笞及老兄。

立春日偶題

秋來喜遇雙重九。歲裏重逢兩立春。重疊也知天好事。流連無過老閒人。山茶吐暈紅侵肉。罇酒吹香白到脣。水榭一區微料理。湖光趁取玻璃新。

梅花

空階綠淨影疎斜。戲把清枝壓鬢華。老去已無兒女態。春來猶愛典刑花。蒼雲白石長相對。明月寒塘自作家。擯去罍香與尊酒。幅巾聊試武夷茶。

其二

瘦枝逸格總天真。不屬東風旖旎塵。尙有蠟梅爲佞倖。可無修竹作同人。花前乍許孫登嘯。座上唯容靖節巾。國豔名葩世豈少。祇緣無此秀豐神。

乙巳元日

湖柳侵街水接門。東風纈纈澹微溫。久乘下澤無官韻。乍着紅衫有摺痕。皓首頽顏俱入市。碧芽新鳥又成村。歸來且坐梅花下。倒却鵝黃四五罇。

寄黃平倩庶子

任他吹霧睡青天。割水求脂也可憐。謗篋祇堪助道品。羞囊休問買山錢。金華直冷披霜入。瑞草談深枕麴眠。一靜一忙閒比較。試思誰是地行仙。

其二

百年身世付疎頑。只在溪花浪柳間。已分髮毛捐白足。但憑牙頰佞青山。夢回巴國雲千里。書到峨眉翠幾灣。龍不隱鱗真可恥。漢陰甕裏省機關。

寄曾長石太史

天祿歸來具道裝。高齋八九瞰瀟湘。花前白蛤新雲氣。枕底青山舊日光。竹影侵溪朝洗研。柳梢披雨夜焚香。故應禪味如鹽水。宿世曾爲青草堂。

春分忽大雪同小修賦

湖光搖碧柳拖黃。青帝如何尙縞裝。似與夭桃添粉澤。聊同飛絮鬪輕揚。斜穿霧縷霑鶯溼。亂捲風鬚誑蝶忙。擬寫爛蕉深雪裏。怕人誤作剡川莊。

乍晴述懷

竹裏新晞喚羽雛。幽人情絮遶江湖。偶因訪藥偕緇侶。久不吟花長白鬚。社日雞豚謹北里。醉闌筍錯夢東吳。春來背癢誰搔得。方外閒尋狡獪姑。

長石過訪共宿二聖禪林次日至柳浪遂有三峽之約

寒潭冰月澹鬚眉。話到鐘沉唄冷時。綠水攜來尋和者。白雲收去贈相知。閒枕碧柳新莎地。認取

長林倦鳥枝。謝客已豎雙屐齒。峽猿巫雨任追隨。

陶不退以容城諭丁內艱歸滇中至敝邑殤其令子遂瘞焉於其行也

詩以送之

麻衫如葦別芹宮。那復哀殤客路中。幸免西河夫子慟。稍存羸博古人風。腮毛換去三停白。柏葉歸來十度紅。富貴幾何愁苦劇。令人翹首眄飛鴻。

其二

十年塵土敝衣裳。瞥見昆池舊景光。無佛稱尊雞足老。與天孰大夜郎王。蠻娘乍隱溪花笑。番客遙懷瘴草香。秘藥如山砂似鏃。試探何處有仙方。

送君超兄還武陵

碧江波疊曉霜肥。換盡生蕉細縷衣。榴火爛時諸彥集。蠟梅香裏一騎歸。糟壇博社輕揚入。鶴侶鷗羣自在飛。枉渚陽山憑寄語。道人魂夢久相依。

其二

山水心情謝永嘉。斷溝殘石漸盈車。高齋是處鴉棲墨。娃閣頻分燕作家。袖裏新書驚惠子。卷中

逸事困張華。烏藤白恰仙仙去。知入桃源幾樹花。

龍堂招提觀影戲精緻妙解前此未有汪師中龍君超皆有作

筵前百戲總逡巡。角底魚龍且讓新。迺往順來吳道子。乍非忽是李夫人。宮城隱約瑠璃國。冠帶飄飄颺軀身。水沫乾坤成壞等。空中風箭火中輪。

其二

華燈膏燭月玲瓏。聖手當場欲繪空。出像楚騷兼爾雅。返魂班巧與斤風。絲規縷析塵三昧。萬臂千頭小六通。喚醒人間石火夢。無情悲喜片時中。

其三

造物聊憑意匠成。縱無筋骨有神情。木人自覺機關少。粉本輸他笑語生。世界總依陽燄海。隣封如近闔婆城。南詢童子參何晚。烟水風光第一程。

謝于楚陶孝若見訪柳浪得風字

交游南北總成翁。忽地相逢柳浪中。細雨小添澆藥水。落花時逐渡溪風。長堤雲卷千絲碧。高閣霞舒十里紅。七載東臯唯頌酒。知君猶念老無功。

謝于楚由川入楚將東歸歛復北上有姬在燕也

蹄輪汨汨幾曾閒。鬢髮蕭蕭騷屢滿顏。
卷裏攜來三峽水。夢中吟去九華山。
一江春月浮輕舸。萬樹濃花念小鬟。
世態飽經鹹苦盡。爭如歸臥酒罇間。

雁字

幾回聯絡幾回分。整整斜斜自作羣。
龍女波中呈樣帖。天孫機上出迴文。
長戈偶散平沙月。春蚓時盤塞北雲。
翔鶴驚鴻徒有語。家雞那得健如君。

其二

長鋒短折布空輪。筆勢蕭疎絕點塵。
萬轉豈能無別意。千行何事只書人。
青腰玉女霜前牘。大翮先生化後身。
浙水巴江從此去。漫將老健敵清新。

其三

常時風卷復霞舒。萬翥勻勻點點疎。
雲裏豈煩蒼頡氏。空中誰讀典墳書。
鵝溪展去綃千丈。榆塞同時載幾車。
毛穎禿來今在否。月天試問老蟾蜍。

其四

絹素無功法不傳。幾將封事達天邊。青山卓似含鋒筆。碧霧濃如滲紙烟。體勢已超鸞齋上。契書知在烏官前。明霞淡月疎疎見。染取成都十樣箋。

其五

瘦畫娟娟半欲歇。分如釵股絡如絲。千行寫盡黃姑練。一字題成碧落碑。南浦逆風文破碎。西江披雨墨淋漓。斜簫蔓引黃沙去。譜出胡笳出塞詩。

其六

篆烟劃月過瀟湘。流麗森疎綴幾行。禪客辨來知半滿。儒生記去識邊傍。回波影出雙鈎榻。暮雨催成急就章。鳳鳥不來河洛隱。年年編錄爲誰忙。

其七

秋風漠漠散毫端。謾道迷烟逗浦難。細去雲梭如界墨。密來星點似鉛丹。纔從夢筆驛前過。又向造書臺上看。入夜幾聲嘹唳去。梧桐枝上一鈎寒。

其八

輕飄亂洒入纖濃。掛角羯羊那有蹤。鴉點紛紜呈惡札。鷹蟠險怒出狂鋒。征圖每暗蓬婆雪。退墨

虛留石廩峯。我亦頻年有蠹癘。扶搖猶可一相從。

其九

一行行起布青天。只在明沙遠水邊。孤點乍隨如帶墨。數羣中斷似殘箋。鶯簧借與填新曲。鳳史頗爲記往年。莫道書成無雪燄。江南洲渚有秦烟。

其十

儒生習氣總難除。萬轉千番楮墨餘。入地也應爲帶草。化蟲依舊作蠶魚。江南塞北難移性。兄弟妻孥總解書。一掃人間狂蹟去。研光千尺展空虛。

送王以明先生赴南都試

把酒新聽百舌鳴。蒼烟盡處看君行。梨花雨漲春流疾。柳絮風香畫漿輕。寶劍危冠眞國士。高牙大纛盡門生。秋來怒翮天池老。不怕垂天化不成。

曾退如雷何思柳浪湖時退如初度有詩見示次韻答之

醉裏烏藤手自扶。閒隨鷗鷺過澄湖。一江浩雪浮箕舌。千畝深篁露頂顛。且與青娥刪白髮。休將五嶽換三孤。烟巒好住逍遙侶。慚愧虛名老顧廚。（虞翻謂公安地形如箕舌。）

和退如舟中韻退如訪道回家有新姬併以爲嘲

霞光猶繞菱荷衣。紅袖前迎遠客歸。玄鬢返來猶可辨。丹砂健後却疑非。三山誓許鸞臺入。一鶴終隨弄玉飛。雲作風神花作語。看君戰勝幾多肥。

初夏同惟學惟長舅尊遊二聖禪林檢藏有述

一尊高閣許從容。眺盡南湖與北峯。青葉黃衣餘碣在。玉函珠匣總塵封。空江隱隱流清梵。別壁沉沉起暮鐘。昏黑談經人不去。知君學佛意初濃。

其二

丈六空傳草一莖。蓮臺肅肅古先生。夜深虛閣聽龍語。世遠枯松讚佛名。蒲榻參來知行淺。稻田栽就覺身輕。等閒法法都如夢。眼底何勞覓化城。

其三

禪關避客畫常局。竹樹陰森可一庭。野雀半銜天女粉。梁塵漸污佛頭青。六時僧禮蓮花漏。三教人翻貝葉經。衣下有珠君識否。寤來如欲睹明星。

其四

蒼枝矯矯欲盤空。高閣冷冷受遠風。怪石枯藤隨意古。砌花畦草自然工。六朝遺事殘鐘外。千佛生涯曉籟中。我亦冥心求聖果。十年夢落虎溪東。

萬二酉老師有垂老之疾感而賦此萬里中老儒余家父子兄弟祖孫
皆從之遊其人可知

白首爲儒未厭貧。布袍落落敵風塵。百年偃蹇窮途事。一榻艱難老病人。楚客由來衰鳳鳥。漢郊何日狩麒麟。勸君恁學無生忍。猶有金剛不壞身。

其二

青袍橫着世途欺。百歲蕭條只故籬。吾道春秋生死在。世情天地古今疑。五男差得如陶令。一女何曾有蔡姬。楚士從來多寂寞。爲君揮袖淚成絲。

傷周生

溪頭曾見浣春紗。珠箔於今天一涯。紫陌重邀千寶騎。青樓無復七香車。夫人南國空湘水。處子東鄰是宋家。記得西廊香閣裏。瓶花長插一枝斜。

送鄒金吾遊白下時寓武昌

將軍此日驅征輪。楓葉蕭蕭漢水濱。我已銷魂千里外。那堪重別故鄉人。西風馬度離亭柳。落日
衣吹客舍塵。莫向勞勞亭上望。秋江容易得沾巾。

飲彭山人

疎竹蕭蕭畫掩扉。一樽潦倒世情微。三湘踪跡枯藤杖。二岳烟霞老布衣。夜雨階心桐子滴。秋齋
簷面菊花飛。卻憐太史周南滯。鄉國淒涼久未歸。

寄贈

莫向南枝問舊棲。花開如笑復如啼。空憐夜月刀環夢。猶記東風桃李蹊。遊子贈無青玉案。佳人
歌有白銅鞮。殷勤爲念章臺草。幾度春郊散馬蹄。

偶成

誰是乾坤獨往來。浪隨歡喜浪悲哀。世情到口居然俗。狂語何人了不猜。彭澤去官非爲酒。漆園
曳尾豈無才。百年倏忽如彈指。昨見庭花爛熳開。

卽事

箇是春江舊舞樓。海棠花下小梁州。柳因有絮絲還在。蓮到無心苦始休。浪子燒燈齊射覆。美人

越席與藏鈎。東風何意催桃李。多少西郊南陌頭。

辛卯元日

滿城佳氣鬱玄霄。海日如規上海潮。率土再新宏治朔。百年三倍穆宗朝。柳含初綠風前舞。梅帶殘香雪裏飄。笑我疎愚非董子。太平猶頌不鳴條。

感王鬚庚

翩翩衣馬興何殊。醉擁陽昌舊酒壚。傲骨終然遭白眼。窮途無計覓青蚨。牀頭氣沮金平脫。袖裏顏催玉唾壺。安得再逢龍準叟。爲君輟洗溺諸儒。

贈李子髯

一尊相看意蒼茫。布置鬚眉到爾長。作字喜臨王氏帖。箋經常駁宋儒章。衡茅坐接高人笑。僮僕都無俗子腸。敝緇南冠還楚楚。男兒那復困詞場。

送莊冲虛使粵

青郊垂柳綠依依。一片仙帆帶月飛。蠻曲聽來醒暮酒。瘴烟行處溼征衣。荔濱草送王孫遠。梅嶺花逢漢使稀。總爲浮名淹此地。江南江北看君歸。

江上送別

颯颯征鴻帶雨飛。孤帆無計駐斜暉。西風蘭杜香流水。落日雲霞浣客衣。野店無人花自發。秋江有路夢先歸。年來贈別傷同調。郢曲如君和者稀。

龔惟長侍御舅初度

青春花鳥共爲歌。兩歲山居長薛蘿。彊仕古人元不忝。知非遽伯定如何。百年日月徒婚嫁。萬里雲霄有網羅。荏苒風塵能得幾。人生七十總無多。

贈散木和小修韻

逢君今日又春殘。對我高歌來日難。一字懶操鸚鵡賦。十年空戴沐猴冠。愁來斗酒且爲樂。淚到窮途未可乾。寂寞雙田烟水裏。何人道有子陵竿。

其二

腐儒偃蹇鬢毛殘。三十身閒衆所難。向客不題俗姓字。避人真著古衣冠。寶刀入屋心猶俠。老馬磷途淚未乾。學道莫須占影草。只應行出盡頭竿。

別閩人王生

青草紅亭萬里塵。送君那得不沾巾。孤峯過雨梅花碧。野店逢秋荔子新。江鶴嶺猿頻弔客。澧蘭湘芷總關人。武夷山上仙蹤在。何日尋真共卜鄰。

感事

湘山晴色遠微微。盡日江頭獨醉歸。不見兩關傳露布。尙聞一殿未垂衣。邊籌自古無中下。朝論於今有是非。日暮平沙秋草亂。一雙白鳥避人飛。

歸來

歸來兄弟對門居。石浦河邊兩結廬。可比維摩方丈地。不妨揚子一牀書。蔬園有處皆添甲。花雨無多亦溜渠。野服科頭常聚首。阮家禮法向來疎。

哭兆孺

高城秋笛夜微微。滿目西風捲素幃。四海有心隨短杖。三湘無處覓荷衣。劍空孤匣聽龍泣。客甲寒山有鶴歸。今日哭君騷雅盡。東南泉石少光輝。

其二

黃鱸別去路漫漫。澤國空餘九畹蘭。白骨千年知己在。元言湖海和人難。秋江寂寞龍孫死。夜壑

蕭條鬼火寒。痛殺吾山笛裏月。可同僊子一凭欄。

寒食飲二聖寺

東風隨處有亭臺。寺古無僧花也開。一百五日逢寒食。三十二相禮如來。珠池寶地都成劫。漢隴秦封且舉杯。石火電光只如此。白楊何事起愁哀。

送焦弱侯老師使梁因之楚訪李宏甫先生

丹書早發鳳凰樓。楊柳青陰滿陌頭。征馬晚嘶梁苑月。孤帆晴指洞庭秋。蓮開白社來陶令。瓜熟青門謁故侯。自笑兩家爲弟子。空於湖海望僊舟。

郊外送客卽席

漕河水煖綠瀾生。聽鳥看山也自清。寶馬驕嘶塵百丈。朱帆高捲日千程。飛杯客子紛無數。度曲兒童浪有情。人物喧闐烟樹裏。桃花如錦爛春城。

郊外水亭小集

山自蕭森澗自寒。却憐勝地在長安。桐陰恰好當窗覆。柳色終宜近水看。已倦呼兒猶問酒。不情逢客強加冠。湘江亦有幽居處。多少芙蓉憶釣竿。

其二

幽篁戛戛坐來清。懶慢都無對客情。戲水鷗雛分浪出。趁巢烏母曳枝行。堂前羯鼓人三爵。花下彈碁鳥一聲。紅藥青軒如夢裏。幾年塵傍馬頭生。

其三

清歌嫋嫋兩妖童。尼酒題詩興轉工。拾翠女來虛檻外。分蔬人立小畦中。落花撲面都如雪。密樹宜亭不礙風。怪得夜來鄉夢好。穿雲直入武陵東。

送南粵使

青楊如縷冒斜暉。霍霍班騅出帝畿。蠻府官迎聽鳥語。瘴鄉人去着氍衣。枕椰葉密偏宜坐。鸚鵡雛嬌不耐飛。百粵山川題欲徧。素馨花老陸郎歸。

別李年兄

經年何事遠庭闈。走馬彈冠意總非。白髮自難千里別。青山豈爲一身歸。羅浮雀下迎仙舫。錦石花疎間綵衣。我亦思家去未得。因君魂傍故園扉。

上巳日東惟長

江城春色暖平蕪。若箇青陽不酒罇。尙有好花能覆席。忍令嬌鳥怨提壺。醉來金谷罰多少。興到蘭亭敝有無。自信胸中磊塊甚。開尊恨不瀉江湖。

懷龍湖

漢陽江雨昔曾過。歲月驚心感逝波。老子本將龍作性。楚人元以鳳爲歌。朱絃獨操誰能識。白頸成羣爾奈何。矯首雲霄時一望。別山長是鬱嵯峨。

將發黃時同舟爲王以明先生龔散木家伯修小修俱同訪龍湖者

江草青青江水流。荊州何日到黃州。鄭莊有客堪馳驛。郭泰如仙好附舟。此去山川俱作態。一時象緯合生愁。龜峯數點蒼烟裏。料得伊人已白頭。

阻雨

雲霄極目古亭州。江上淒其感昔遊。天下文章憐爾老。瀟湘風雨動人愁。雲眠楚國黃泥坂。潮打巴陵青雀舟。敢向乾坤尋勝覽。祇因李耳在西周。

贈嘉魚李太清

看君如欲老巖阿。矯首青霄路若何。近日彈章中貴少。一時謫籍楚人多。山嵐會意還生色。湖水

無心也自波。天語丁寧猶記爾。年來或恐滯漁簑。

龍潭

孤舟千里訪瞿曇。踪跡深潛古石潭。天下豈容知己二百年。真上洞山三。雲埋龜嶺平如障。水落龍宮湛似藍。愛得芝佛好眉宇。六時僧衆禮和南。

惠泉見黃平倩大書作字時余同在玉泉今五年矣

金龍池上作書時。牙管如飛我亦隨。花底披絹雲漱澗。橋邊濡髮水淋漓。閒中偶和天台偈。茶罷曾尋李白詩。何日青山借舊侶。夜窗聽雨界烏絲。

宣城飲王舍人家留別

柏葉如丹鄢水濱。芙蓉花裏駐蹄輪。尊前齊贅能談語。甕裏杜康苦泥人。白日共驚頭上雪。青衣爭掃鬢間塵。雞聲喔喔催行李。到底輸君自在身。（邑有淳于髡杜康墓。）

送君御憲僉治兵甘州

秋盡天山道幾盤。蕭蕭韎韐塞霜寒。材官似雪分行出。胡女如花隘路看。白鼻駟前回舞袖。青油幕底拜呼韓。知君解得從軍樂。不畏沙場行路難。

其二

歷盡邊霜與塞雲。舊題名處墨氤氳。要將麟鳳誇殊俗。也使侏僂識古文。漢世才人求屬國。晉家詞客帶將軍。腐儒半尺毛錐子。大纛高牙得似君。

其三

十萬貔貅擁火旗。角巾紈扇坐麾時。閨中莫道腰圍減。塞上難辭鬢髮絲。鞞鼓靜來朝散帙。毼毼遮處夜聞棋。邊人慣唱伊涼曲。好譜新詞與雪兒。

其四

寶劍犀弓大羽囊。軍中聊作健兒裝。一函雲卷天驕檄。十里風吹侍史香。朗月澄江真快士。修髯白面舊仙郎。也知陶侃無高韻。謝卻樽蒲與老莊。

壽雷元亮母太宜人

樹樹新鶯啼曉暉。春風南國笋初肥。花前白髮光垂地。天上紅雲繡遶衣。孺子榻香芝數本。麻姑山近柏千圍。使君自是烟島侶。趁取青溪老鶴飛。

惠安園亭看芍藥

僊葩亦自喜樓居。嫩紫妖紅總不如。灑灑水翻晴雪後。兜羅雲沒曉峯初。誇多屢向交遊述。遞遠頻登好事書。是我眼慳嘆未有。主人元只比葵蔬。

湯嘉賓邀同顧升伯李長卿唐君平遊草橋別墅

郊居絕勝午橋莊。南客行來眼亦忙。馬上乍逢蒲葦地。夢中移入水烟鄉。疎林透戶涼風出。翠葉平池急雨香。危石幽篁相對冷。一庭清影話瀟湘。

五月十二日退如生辰蒙以詩見示聊述二章奉報 關侯以次日生又五

月十三竹醉日

菖蒲弄碧柳垂軒。過雨閒看峽蝶翻。喜與老髯爭一日。好同醉竹倒千樽。身依紫省黃樞地。夢遶青菱白藕村。門下校書真女史。吳綃親寫佛前旛。(退如有燕姬工書。)

其二

睡闌日影度疏寮。廿載君王罷早朝。安石榴開紅照地。御河水釀綠平橋。花前曉珮聞燕語。醉後春雲夢楚腰。近日蒙莊通大旨。閒燒藜火注逍遙。

和退如初度與客談仙次韻

竹樹森疎翠逸身。與君連日坐花茵。樂邦有宅慈爲主。僊路無程醉是因。正好同看雙舞袖。何須高着九陽巾。直消數幅梅花紙。便作華胥世上民。

送曹遠生進士左遷宜川典史

百疊青山亦起瀾。虛空讚毀豈相干。幸逢梅福稱先輩。卻喚陶潛作長官。溪雨松風聊簿領。雲心石面且衣冠。何妨盤屋來仙尉。便作集賢校理看。

與元定孝若同話歸計用扇頭韻

牆東何意獨違時。峻坂飛馳夢亦危。青草渡頭多少浪。白雲高處有無岐。閒思短櫂歌漁父。靜抱幽絃問子期。且與提攜山上去。不須瓶恥始揚卮。

秋日苦雨和退如太史

積雨如山臥不知。閉門猶自寫秋詩。高齋束篴安文几。侍女乘櫓過酒卮。簾處也應無燥地。巢棲未見有安枝。題書爲慰東鄰子。夢裏分明擁蔡姬。

其一 一時七夕先一日

霹靂電射不終朝。何事陰淫怒不消。樓上女兒齊浣屨。宮中銅狄盡浮腰。漢官着笠趨龍尾。河鼓

張油度鵲橋。大道狹斜俱眼底。那堪十戶九蕭條。

其三

河漕西下沸如湯。驟雨那知觸禁牆。金馬門前泥沒象。銅駝陌上水平坊。千家燈火然陰壑。五夜哀呼徹未央。縛竹爲幃通市口。大都風景似南方。

其四

家家釜裏看游魚。壁落都空那可居。遠覓瓜梨分孺子。共租樓閣展圖書。哭聲斷處惟空巷。客夢還時想故廬。憶昨柳浪亭上水。湖光千頃蕩芙蓉。

七夕同方子公蔣子厚弟小修避水長孺樓居

悔逐縉塵帝里遊。除君何處可消愁。蚍蜉失土先謀芥。野鶴移家亦傍鷗。稍質衣衫充酒品。盡搬香茗在書樓。簾開忽見新晴月。又到黃姑織女愁。

爲耿華平題先公冊先公居江陵時以繡衣直指錄囚不及格被謫

手操丹筆淚沾巾。活却梧丘幾許人。韓朗大名爭日月。贊皇遺怨竟灰塵。家貧自許門容駟。國瑞方知種有麟。試看成蹊桃與李。寧同枳棘一班春。

劉元定齋中別諸社友時余有內人之戚

一竿直出帝城烟。馬首飛塵僅一年。倦鳥早辭燕樹雪。閒花又上武谿船。伯鸞未得偕妻隱。和靖終當傍鶴眠。白盡頭顱應不返。青溪山下有鳴泉。

早春過葵園次蘇潛夫壁間韻余往過此八年矣

高齋只在郭門間。世外佳人共往還。老去心情渾念水。重來竹樹已連山。幽花近煖爭先發。好鳥逢春盡不閒。別後新功何所驗。臨谿且照舊容顏。

登晴川閣望武昌

霜崖突出蘇紋斑。鐵笛臨風去不還。百里帆檣千里水。一層城郭幾層山。遙知鬱鬱蔥蔥地。只在熙熙攘攘間。沙鳥窺魚鷗覓渚。試看何物是清閒。

夏日馮明甫郡公招遊謝公岩同顧朗哉處士于野宗侯劇飲分韻得

千字

刻秀堆嵐歲幾千。而今始落酒卮邊。洞中歌板疑雲出。石上觥籌似水傳。山簡韻高無政事。羊公才大小詩篇。兒童拍手攔街語。老守風流勝昔賢。

卽席用韻贈于野宗侯

買却青山一段烟。甕中光景任流連。但同習郁酣池水。不向君王乞酒泉。
（于野酒戶不減汝陽）
細帙未離繩几上。白雲只在枕函邊。碧幢羽客閒來往。日課靈文字五千。

又贈朗哉仍用前韻

回首春明話昔年。因君忘却路三千。銅鞮陌上穿花出。峴首碑前枕石眠。
醉後書顛如長史。老來詩淡類斜川。楚人調澁無佳韻。好譜離騷入管絃。

七夕招黃道元邱長孺陶孝若張伯實王遺狂十弟平子飲小齋得衫
字道元先以詩來率爾奉答道元永嘉人余時以儀曹改司封

掖門清露滴松杉。暮直歸來口尙緘。斜月乍臨移酒盞。涼風忽起換蕉衫。
桐江我記從前路。雁宕君居第幾岩。官舍未容投轄飲。誤將塵土換冰銜。

中元日夜歸卽事仍用前韻

葛巾脫去鬢如杉。又草朝賢牘幾緘。竹裏乍香新茗椀。榻間猶藉舊荷衫。
空窗月色霜流地。半夜桐聲水繞岩。天駟豈能容野馬。身無羈絆口無銜。

暮春偕同署諸君子飲郭外

滑滑春流瀉縠紋。嵐光映照石榴裙。今朝止許談風月。何日相從問水雲。細雨乍收山鳥喜。飢蛙行盡草花薰。海棠枝底烏紗側。未覺飛觥到十分。

暮春遊韋氏莊憶十二年前先伯修暨顧升伯李長卿偕遊此地今伯修去世八年顧李二兄新以言去古人云未免有情誰能遣此澹然久之

猶記天街白鼻驕。出門長是踏飛沙。幾年夜雨慈恩寺。十度春風柰子花。石火蒼茫思駐景。灘流清淺夢移家。東鄰法道衰如許。不見栽蓮謝永嘉。

壽畢侍御兩尊人

花外紅綃白雪垂。豸袍如火映春卮。皐橋祇有齊眉伴。彭澤惟聞曆齒兒。玉樹種成千畝實。鷄雛棲遍萬年枝。黃山石上青松老。閒看仙人數局棋。

初夏偕同署諸君子飲西郊池亭仍用前韻

花時聊復問鷗羣。樹有新陰藻有文。且與共聽幽澗水。休教驚散隔溪雲。青衫暫可驅從使。紅袖

那堪對此君。韻遠心空無一語。不知啼鳥欲何云。

偶作贈方子

一瓶一笠一條蓑。善操吳音與楚歌。野鶴神清因骨老。鴛鴦頭白爲情多。腰間珮玦千年物。醉後顛書十丈波。近日裁詩心轉細。每將長句學東坡。

冬盡偶成

青霜一寸冰皮老。凍楚荒荒落饑鳥。老去慚看日脚忙。冬來怕見曆頭少。客裏關心遼左書。夢中失路京華道。宦心灰盡復如何。大都也似霜前草。

別小修

瓜洲雲色蔽天昏。腸斷金山寺裏猿。狎客也須同海鳥。過江切莫食河豚。幕中有主當持牘。雪裏無錢且典禪。畫戟如林高丈五。不知何處是朱門。

王太古令耶有父風卽賦

空階長日綠苔封。一望江烟翠色重。陶令無兒閒紙筆。龐公有子識機鋒。窗前慈竹分新種。雪後山雞覓舊踪。總角未除髭未長。因君自笑老龍鍾。

卽事時京使至

朔霰冷冷打角巾。客途那得更長貧。百錢買看雙丫女。一日刺投數主人。白酒澄來如雪水。青袍當去得霜鱗。端居忽謾逢京使。怕說東華十丈塵。

丁酉十二月初六初度

雙鬢蓬蓬又一新。布衣何處不緇塵。高天下地盡如此。開口伸眉有幾人。客饌夜深燒蕨粉。山鱸冬盡剝松鱗。清溪半曲田三畝。只待陶公與結鄰。

其二

幽窗朝起自焚牋。收拾從頭舊簡編。文字少無隔宿約。橐囊充有半年錢。花前沃雪呼家妓。醉後灰心學老禪。拋却吳官今一載。青泉白石幾高眠。

其三

葛巾散帶亦何爲。白首龐公是我師。燈下侍兒閒禮懺。牀頭稚子解吟詩。江漁供客來冰縫。山鳥驚人觸凍枝。鬢髮如油霜鏡裏。等閒拔出幾莖絲。

其四

天涯隨處是生緣。闊帽寬衫似老年。算馬與人三十口。賣奴及宅五千錢。一心槁木寒灰去。幾度拋書把酒眠。古佛閣前溫炕裏。拽將紅袖夜談禪。

其五

雪霽寒江饌得魚。北風香墮蠟梅初。身閒白髮頭先黑。病後烏紗夢亦疎。薄宦古人雙屈指。家鄉經歲兩番書。百年碌碌渾如此。檢點從前事事虛。

遊仙詩爲胡仲魚作

願作人間丁令威。千年華表一來歸。天門戲博輸龍去。石室燒丹試犬飛。洞裏松花充曉飯。篋中雲葉作寒衣。鄆山若更逢潘子。爲問桃源是也非。

聞崔氏女拜無念學道戲柬念師

撇他螺黛與鉛華。愛渴惟消一碗茶。檀板且教歌梵字。羅衣權剪作袈裟。心如止水堪容月。身似寒林也着花。摩頂幾回親記取。生生世世法王家。

雪夜感懷

空房夜靜落燈煤。一絡牕風似剪來。三尺雪中乘夢去。五更天外覓愁迴。慧仁酒盡惟空盞。螺甲

薰殘只死灰。爲憶朱門深宅裏。幾人歌哭喪樓臺。

侵曉見閨人禮懺

殘月微微散曉星。窗風吹動畫旛鈴。衣中珠珞千條重。定後爐煙一縷青。鸚鵡教來持口戒。蓮華繡去裹心經。梵音唱徹聲清遠。臥閣何人夢不醒。

放言效元體

人間得失只如斯。得固欣然失豈知。消日總多無義語。安心唯有耐輸碁。鄉書寄去求鵝炙。閩客新來送荔枝。今古騰騰一覺裏。管他淳朴與澆漓。

其二

三十年間閃電身。半居白石半紅塵。空中往往書歡字。鏡裏頻頻感去人。方帶割來殉酒盞。時瓶破後少茶賓。眼前笑得須當笑。未有脂膠粘日輪。

其三

花前蓬鬢影婆娑。每到花開卽浩歌。甘草雖甜終傍苦。蜘蛛縱巧不離羅。常年歡與愁相對。百歲仙於人孰多。白日既知無返理。問君何不買青娥。

其四

葛藤爲杖竹爲冠。浮世都教一例觀。龍伯山來猶氣岸。醯雞夢裏亦酸寒。伊周末必閒經濟。楊墨徒勞闢異端。識得箇中些子去。蠻天鬼國也相安。

其五

幸將七牘贖閒身。早晚山中事事新。批頰鳥爲司鼓吏。寒號蟲作守更人。攤書誤置巖前樹。洗墨常翻霧裏鱗。醒卽長吟睡卽定。更於何處覓埃塵。

得家報

清晨閣外逢鄉使。持得平安書信來。初問三哥何處去。次言八口幾時迴。新城漸漸沈流水。舊舍荒荒長草萊。幸有南龔與北李。時時出郭時銜杯。

登華一

山蓀亭上掛頭巾。便作參雲禮石人。流水有方能出世。名山如藥可輕身。眼中華嶽千尋壁。衣上咸陽一寸塵。逢着棋枰且休去。等閒看換野花春。

其二

瀑布聲中洗面塵。洞花吐草自然春。欲攀絕壁無根地。且趁孤雲未老身。墮險啼厓皆韻事。倚松坐石想幽人。飛仙已蛻茅龍死。留得青山一壑鱗。

其二

艱危歷盡到岩居。可有丹梯上碧虛。玉女煙中頻索夢。蓮花葉上細題書。補填積雪成新徑。展拓閒雲架小廬。別院棋枰聲隱隱。微風恍惚動仙裾。

其四

洗頭盆下擷芝苗。古洞深松話寂寥。仙迹久湮無後輩。遊人逆數卽前朝。身輕眼豁腸皆換。月冷煙清夢亦遙。見說乳泉甘似酒。捫蘿親與試雲瓢。

其五

杖底諸山似浪紋。舞青搖綠鬣紛紛。半規影裏江河合。一尺煙中晉楚分。未有因緣離下界。虛將名字列高雲。松風破夢丹爐冷。慚愧瓊田碧草芬。

其六

玉井前頭乳穴重。奚兒聊以一甌從。空崖壁冷長留雪。古屋雲昏尙鑱龍。明月自升千尺嶺。道人

聞說五株松。瀑簾洞下真官老。占斷林泉是此峯。

華頂示同遊樗道人

踏遍秋雲琢紫苔。巨靈掌上覓松栽。公超舊谷猶疑霧。方朔前生解役雷。幻詭也能通道術。談諧大抵近仙才。芙蓉一削五千仞。不是狂夫不上來。

岳頂歸至青柯坪示同遊道人

飛鴻是處有遺踪。題破蒼崖霧幾重。枉把真形圖五嶽。難將奇句答三峯。山暈未老身慚鶴。雪頂歸來杖有龍。紫蕨黃精君記否。鐵犂溝下舊村農。

登太室絕頂

山行二十餘里。覓古今人題壁。不得一字。欲窮大泉石樓之勝。而壞祠無可栖止者。嵩遊之廢久矣。

礫瓦紛紛雨洗斑。嵩峯久矣閉仙關。雲開忽見玲瓏壁。水外微鋪淡遠山。古道熟知龍洞嶮。僧云勝在石樓間。幽岩欲去無栖處。獵火燒空照夜還。

觀盧岩寺瀑布

百尺煙中紫翠分。水光搖日雪紛紛。長風碎曳千年石。飛雨斜侵半壁雲。澗底有人穿澗出。山間投礫隔村聞。仙家只在深嵐裏。松腹猶存鳥篆文。

其二

洞門長是帶雲關。竹杖深穿香鬢間。醉裏放杯眠澗水。夢中和雨入廬山。霞光射壁殘碑出。松影流塔處士還。潭下老龍呼不起。攜將新月過煙鬟。

贈登封令傅元鼎

嵩山之奧。有白鶴觀遺址。偃蓋松一株。亭亭可愛。元鼎圖復此地。故末句及之。

塵尾一塵案牘稀。石淙潭水洗秋衣。公庭葉落書常滿。絕壁雲開鳥自飛。入寺每教求薜躋。上山親與勘松圍。夢中白鶴如相語。君是重來丁令威。

嵩陽宮古柏封於漢非漢物也都玄敬以爲三代時物信然

看窮人代只青葱。山鬼那能記始終。手把洛書逢大禹。眼窺日表見周公。龍鱗抉石方知地。鵬翮搏天始送風。縱使文成能誑語。問渠霞壁幾時紅。

石淙

一區崖壑洗深清。傍嶮隨夷置酒鎗。石是米顛懷袖出。景如摩詰畫詩成。（謂摩詰詩中畫。）遊人恰好中央坐。怒水常穿四壁行。若把盧岩來比較。盧岩雖勝少幽清。

其二

陂陀行盡見幽奇。想得川融山結時。大關嵩高如第舍。小分煙嶺卽園池。崩雲倒沫森森立。枕石聽泉事事宜。勝跡幾人曾到此。摩崖碑上有娥眉。

將入秦試士諸同舍別於西郭水亭得魚字

郭外園林盡不如。水亭香泛綠芙蕖。門前且繫新驪馬。囊裏猶存舊蠹魚。華岳看雲唯自語。曲江題壁倩誰書。憑君爲報關門尹。不是當時板屋車。

入超化寺水村

頽巒疊谷瀉溪光。石上題名尙李唐。竹葉送陰遮古寺。稻芒隨水出山莊。一林過雨蘆花白。半壁疎雲栗子黃。猶記西風紅蓼裏。桐槽載網入瀟湘。

青樓曲

懶看梧葉下空堂。秋月秋風淚幾行。獨夜香臯緘遠字。經年鸞匣緩離粧。蘭披別恨瀟湘浦。柳帶

愁煙漢水傍。折盡庭花人不見。枉教蟬子墮流黃。

袁中郎時集 下冊 七言律

五言絕

虎邱

一片千人石。瑩晶若有神。劍光銷不盡。留與醉花人。

其二

問此石上歌。何如生公說。石若解點頭。聞歌亦當徹。

嚴陵

谿深六七尋。山高四五里。縱有百尺鈎。豈能到潭底。

其二

文叔真有爲。先生真無用。試問宛洛都。誰似嚴灘重。

其三

舉世輕寒酸。窮骨誰相敬。如何嚴州城。亦以嚴爲姓。

其四

或言嚴本莊。蒙莊之後者。或言漢梅福。君之妻父也。

偶作

靜裏三三昧。多年得效方。不知緣底事。動輒嘆龔王。

別無念

漢口來何易。湘江去不難。北風吹順水。三日到齊安。

其二

送君竹林祠。竹子何森森。不痛別離腸。但傷知音心。

其三

辛苦李上人。白髮尋知己。爲爾住龍湖。爾胡滯於此。

其四

湖上望君切。江上送君苦。江上與湖上。計程一千五。

其五

陸程華容道。水程京口驛。良無黃金贈。感慨復何益。

其六

謂爾真吾師。謂吾真爾友。不知歐冶爐。肯鑄頑鐵否。

其七

海內交遊多。何人可與語。我欲知姓名。東西南北去。

其八

落魄蘇季子。無官妻嫂欺。爾若不見憐。飄零安可知。

滴瀝蓬書壁

蓬形如广字。石骨間沙礫。泉脈似融冰。飄空偶一滴。

別洪子兼寄吳臨川

暮雨復朝煙。送君江水邊。故人如問訊。道我憶臨川。

龍湖師

十日輕爲別。重來未有期。出門餘淚眼。終不是男兒。

其二

惜別在今朝。車馬去遙遙。一行一回首。踟躕過板橋。

其三

鬱鬱西陵路。迢迢在何許。不及寒潭石。朝夕共君語。

其四

浪跡滯黃州。壯心成白首。君逢袁孝尼。肯語廣陵否。

其五

魚書曾有約。千里若爲函。瀟湘無限水。不遣到龍潭。

其六

兄弟爲知己。同袍若比鄰。出門去亦易。只愁君一身。

其七

死去君何恨。藏書大得名。紛紛薄俗子。相激轉相成。

其八

君意不在書。著書爲誰子。安得東南風。吹君渡湘水。

附龍湖答詩

入門爲兄弟。出門若比鄰。猶然下幽谷。來問幾死人。

其二

無會不成別。若來還有期。我有解脫法。灑淚讀君詩。

其三

赤壁賦蘇公。龍湖吟白首。君是袁伏袁。附君成四友。

其四

江陵至亭州。一千三百許。尙有廣陵散。未及共君語。

其五

別不說今朝。去不說遙遙。路逢進履者。定知過圯橋。

其六

江陵一千三。十里詩一函。計程至君家。百函到龍潭。

其七

平生懶著書。書成亦快予。驚風日夜吼。隨處足安居。

其八

多少無名死。予特死有聲。祇愁薄俗子。誤我不成名。

同無念過二聖寺

自從智者去。寶珠曾遊此。今日無念來。添一故事矣。

其二

長者卽維摩。和尚似鷺子。中有妙音人。可比散花女。

十二月十八日至蘄陽舍舟從興國走咸寧道出金牛鎮山路如刀脊
飛雪浸空輿人艱窘幾不能步然千峯綴雪或如鴉鷄或如積瓊亦
行役之一快也道中隨事口占遂得十六絕句

江行值逆風。陸行招雪雨。何適不艱難。弱夫挽強弩。

其一 途中有感憶李安人

袖裏藏香茗。囊中具糗糧。出門無一有。始覺老妻亡。

其三

野竹根連石。村姑語帶蠻。役夫前指我。此是小丫山。

其四

壁上煙森森。道旁石齒齒。舉頭不見人。但見前人履。

其五

皂衫如伏鹿。石底蹶而起。壯髮小平頭。霜鬢老掾史。

其六 懷吳明卿先生及仲子臯倩仲子客死白門

怪鳥啼空樹。斷雲愁暮山。可憐吳季子。死彼博羸間。

其七 出興國雨至中途始雪

淋淋瀝瀝行。仄仄欹欹遠。此去浮屠街。二十四泥坂。

其八

曉看煙林青。暮看雪嶺兀。似我苦征人。立時換白髮。

其九

莫嫌馬沒蹄。莫怨車泥轍。比作看山人。孤筇穿嶺雪。

其十 至大冶

千山照平湖。城在湖波上。前途一髮行。斜繞屏風嶂。

其十一

好在宮台里。山高水亦環。兩崑陟絕起。更好大雷山。

其十二

峯峯雪點綴。曲曲水蒼寒。却似曾經眼。王維畫上看。

其十三

人行嶽嶺上。時與岩相突。馬落溪橋間。忽爲雪所沒。

其十四

酸呼復快吟。役者哭且怒。我是好琴人。那知黃柏樹。

其十五

怪石與危岑。山神勿相試。我行慣險難。歷盡風濤地。

其十六

豕繫天王座。鳥巢大士冠。雞棲爲市井。鹿柴作門闌。

途中口占

八月離長安。二月返鄉社。啣泥雙燕兒。依舊簾櫳下。

其一

二月返鄉社。四月卽長道。兒童隘巷觀。高士隔溪笑。

其二

辛苦老魚軒。廿年同道路。今日白楊村。卿留我獨去。

江上見數漁舟爲公卒所窘

釣竿拂曉霜。衣薄蘆花絮。一畝不籍官。也被官差去。

其二

浪道漁家樂。供輸亦未閒。君欲長安穩。隱于徒隸間。

途中口占

文字讀來倦。心情放去閒。夢回無一事。只有看西山。

其二

灑灑芙蓉陂。油油禾黍道。野老扶牆行。佳人隔谿笑。

其三

駿馬紅絲絡。幘頭金鱗裝。兒童攔路語。道是賽牛王。

其四

脆瓦移疎點。涼牕穩貼眠。夢中何所見。峽水與簾泉。

其五

眼裏雙瞳在。腹中一字無。乘閒聊緝網。欲去拔珊瑚。

其六

巷識回車跡。橋留斬袂痕。此中多俠鬼。且莫繡平原。

六言絕

與曾退如過葡桃園話舊偶成

問我低回何事。十年夢到胸中。今日兔葵燕麥。當時秋雨春風。

其二

古井已無完檻。石榴依舊燒枝。莫道故人如夢。夢中却有長時。

其三

鶴啄苔而不去。僧振穢而相迎。少師影堂塵掩。古佛紺殿草生。

其四

葡桃閱人幾載。衣縑量去三圍。不放雲烟沙漠。焉知鴻鵠能飛。

七夕偶成

天上一昏一旦。人間甲子周年。不分黃姑織女。夜夜烏鵲橋邊。

其二

兒女紛紛乞巧。先生老矣何求。不用巧靈烏鵲。唯宜拙守斑鳩。

題尙覺和尙卷

手題頂骨數珠。腰懸生鐵戒尺。走遍南閭浮提。要與英雄結識。

七言絕

題劉生

不愛韓康早避名。愛他垂老解多情。調得歌兒聲似管。當筵唱出是劉生。

病中見中秋連日雨東江進之

禁方藥帙滿牀頭。雙挾青鬢坐小樓。疾疾愁愁三日雨。昏昏滑滑一年秋。

小婦別詩

一身狼狽踰冬秋。姊妹人人嘆白頭。剛得在家三日好。明朝行李又杭州。

其一

弱柳輕帆快送人。巫山原是女兒神。願隨潑火清明雨。洗却錢塘十里塵。

其二

輕寒輕熱養花天。箇日錢塘更可憐。驄馬欲嘶嘶不得。白公堤畔柳如鞭。

其四

湧金門外柳條絲。岳有新祠白有碑。一句叮嚀君記取。西陵莫作小蘇詩。

初至西湖

山上清波水上塵。錢時花月宋時春。看官不識杭州語。只道相逢有北人。

其二

一絡香風十里堤。萬株楊柳著行齊。蘇州浪得佳名字。試把湖山共品題。

湖上遲陶石簣戲題

蘭舟繫處一驄嘶。箇是桃蹊箇柳蹊。山色湖光判斷盡。只留花草待標題。

其二

歌舞叢中可度身。六橋隨處嗅香塵。西家有個如花女。可得將來伴遠人。

桃花雨

淺碧深紅大半殘。惡風催雨剪刀寒。桃花不比杭州女。洗却胭脂不耐看。

湖上贈錢塘湯令

一簾秋色一堂雲。白石灘頭坐使君。套取桃花爲押字。判來山水作移文。

其二

著意憐花緊護持。不曾殘殺一枝枝。花神欲謝廉明宰。分付袁郎好作詩。

其三

羅綺如烟粉作邱。青娥國裏小諸侯。河陽不敢談花事。只是天堂見亦羞。

其四

一箇窮官不解爲。貪他絳葉與青枝。來時開花去結子。教人怎不罵狂癡。

徧虛

剃却顛毛剩却身。衲衣袍帽不沾塵。告君古佛無多子。著了邊旁亦是人。

經下邳

諸儒坑盡一身餘。始覺秦家網目疎。枉把六經灰火底。橋邊猶有未燒書。

紀夢末旬遲之德州詩

一尺殘膏到曉明。五更霜裏萬千情。依稀夢得遲之句。紅映樓臺綠映城。

梨花初月夜

梨花初點貼臙流。斜月笙簫處處樓。醉裏不知花是影。隔紗驚喚小揚州。

秋日同梅子馬方子公周承明飲北安門水軒

秋容瑟瑟上菱蘆。湖上青山鏡裏姝。碧瓦黃牆宮樹裏。湧金門外看西湖。

天壇

空壇深淨駁玻璃。禿髮簪冠老導師。銅沓金塗秋草裏。如今不似世宗時。

其一 李後主呼天爲碧翁

碧翁難道是無情。分合千年議不成。不得寧居天亦苦。古來多事是書生。

其二

六年通籍濫儒紳。疋馬天街觸路塵。漸愧黃冠羽衣者。朱籠雙引亦呵人。

其四

僊苑桃花朵朵香。會於天上省霓裳。劉郎先去風情減。聞把音容問太常。

香山 永陵幸山西語侍臣云諸山惟香山有翠色

真人天眼更絕倫。翠色香山此語真。八十老僧牢記取。一時三遍語遊人。

昌平道中

菴前乞得老僧茶。一派垂楊十里沙。烏籠白簷憑揀取。麝香李子枕頭瓜。

兒開美殤江進之書來始知

一春懷緒熱茫茫。夢裏無端也轉腸。小弟書來怕愁我。寒溫虛作兩三行。

其二

官程屈指二千餘。頗怪眞州消息疎。七月始得江令字。道兒亡在杪春初。

其三

說著旁人也痛酸。余今寧有鐵腸肝。十年送却六男女。已作尋常離別看。

其四

識得乘除理自明。梅蘭焉肯一時榮。黃泉若覲先姑去。好與曾登伴行。(曾登皆伯修子。先亡。)

得舍弟徐州書

開船已是四旬餘。纔得徐州一紙書。內中數語朦朧甚。見了愁於未見初。

其二

佳人生死不知聞。辜負梨花一面雲。昨日宮羅新裁剪。爲伊留得半拖裙。

遣姬

蠶懶無心更作絲。樂天未老別楊枝。陽臺不是嫌雲雨。圖得生離勝死離。

羅隱南王章甫小集齋中說舊事偶成

漢江秋淨石灘灘。黃鶴樓高不見塵。今日樓臺歸劫火。眼中猶聚上樓人。

其二

萬瓦如鱗繡作堆。別山重見禿翁來。晴川閣下南條水。一日同君蕩幾回。

其三

珠樓曲曲貯仙娃。一帶風牕十里紗。記得中和門外路。女牆東去是他家。

其四

癖居逼近紫微堂。白火青煙五尺牀。鈴柝夜寒聽不得。雞鳴先起著衣裳。

燈市

六街花粉蔽蹄輪。一簇香飛紫路塵。請看樓下號呼者。卽是當時樓上人。

柳枝詞

江南柳絮已紛飛。河北垂楊未折枝。一種青娥嬌眼女。南家嫁早北家遲。

盤山道中嘲寶方死心寂子三和尚

筇節楞楞過頂顛。偏衫口上繫胡珠。雲中棕笠垂垂墮。正好和驢寫作圖。

石雨洞

山僧問亦不知名。凹處唯將腹背行。石骨數拳泉一縷。遊人多少只聞聲。

入紅螺嶮道中紀事

山風吹曉作新嵐。仙夢茫茫古石龕。欲識死生情切處。棺材峯上卓茆菴。(山上有棺材峯。)

其二

田家打棗婦盈畝。高髻垂肩竿在手。此是六郎繫馬椿。郎君未審停鞭否。

其三

葫蘆棚下水平轆。古戍遺屯記宛然。馬市時來今幾載。邊烽堡裏宿枯禪。

過黃梁祠

一掠青絲鏡面垂。朱題銀額呂仙祠。饒他壽盡塵沙劫。只是黃梁未醒時。

其二

不脫陰區苦奈何。仙官塵侶不爭多。人間惟有李長吉。解與神仙作輓歌。

宿朱仙鎮

秋高夜鐸冷空庭。草木猶疑戰鐵腥。地下九哥今悔不。六陵花鳥哭冬青。

其二

羯胡歲歲括金錢。稱姪稱臣也枉然。馬角不生龍蛻冷。酸心直到犬兒年。

其三

青驄挽斷綠楊絲。寒食西湖祭酒時。第六橋頭香十里。桃花風起疊琉璃。

其四

祠前簫鼓賽如雲。茹泣爭劖弔古文。一等英雄含恨死。幾時論定曲將軍。（野史載曲端事甚烈）

看梅

莫將香色論梅花。毛女而今已出家。老幹瘦枝蒼幾許。總無花萼也輸他。

其二

自剝青苔自掃塵。僊經沈縷對幽人。不須更畫維摩詰。恰有梅花爲寫神。

送臨湘成公還至源寺寺時有火災

一鑿烟雲幾百春。嵌巖枯壁碎魚鱗。青山也曉茶毘法。要作涅槃堂裏人。

其一

不轉空輪轉火輪。一番金碧盡成塵。世情若也同燒却。好作瞻風撥草人。

其二

菴主鬚眉依舊青。檀那施得幾星星。踢瓶且免輸山子。揩背何須喚古靈。（上人爲寶方落髮師。）

其四

衲衣吹敞綠楊風。貪拾春江石子紅。乞得黃家石浪字。可能將去扁虛空。（余時方爲寶方乞黃諭德石浪齋額。）

送蜀僧往南海

一踏峨眉二十春。冰花破處石鱗鱗。憑將徧吉書一紙。傳與東洋打坐人。

法華菴看月江老衲移柏樹

竹皮屋子檜條籬。繁蘂濃花最不宜。乞得趙州柏樹子。當牕亂插兩三枝。

其二

一番霜雪一番姿。鐵幹銅膚自小時。和葉和梢纔五尺。幾年長出杜陵詩。

其三

自操禪榻畫庭莎。寬處須容一笠過。試較沙彌長幾許。眉尖上下不爭多。

其四

閒將柏葉攪胡茶。供養方情老作家。不似破頭山道者。貪他傳代古袈裟。

其五

眉如霜葉骨如巒。破衲何曾畏早寒。夜坐連雲春帶雨。如今真作畫圖看。

王闍然館中看梅

乞得馬家雙玉鬢。清姿濯濯檜籬間。幽香偶逐寒風去。帶却書聲過別山。

其二

竹外斜侵十步強。千枝萬朵亞鄰牆。東風若過黃梅節。吹得先生醋甕香。
柳

晴江灩灩鴨頭絲。半管春情半別離。不知陶老緣何事。也向東籬插幾枝。

其二

牽愁帶緒弱煙中。銷却東鄰幾頰紅。欲把無鹽比西子。老髯時復立春風。

其三

少年容易起悲酸。每爲春條惹肺肝。而今心老煙灰滅。只作遮籬映水看。

祇園理藏完

貝葉重分甲乙科。殘編無奈蠹蟲何。因君一問阿難老。強記如何得許多。

其一

書却何須怨祖龍。南寮師弟北師公。元宵夜月春燈裏。半入兒童火爆中。

其二

收得大函萬紙餘。更尋高閣作精廬。何人却出銀鉤手。贖取琳琅次第書。

過赤壁

騁石奔雲浪幾春。黃泥坊底射洄鱗。周郎事業坡公賦。遞與黃州作主人。

大林寺寶樹

鐵幹銅膚四十圍。隔峯猶自望孫枝。塗雲抹月空山裏。會見東林行道時。

其二

瘦石鱗鱗帶碧絲。百盤無地不青枝。人間那得西方種。問取嘉州合眼師。

題天池後嶺

往將天事問修人。碧玉蒼波妄比倫。而今萬仞峯頭立。依舊圓空掛斗辰。

山中逢老僧

擬把蒼烟付老閒。廿年形影不離山。牕前一樹盤空老。曾是天台拾子還。

其二

一抹青烟沉遠巒。禪心汰得似冰寒。閒山閒水都休却。付於瞻風衲子看。

其三

念珠策得定功成。絕壑松濤夜夜行。說與時賢都不省。依稀記得老陽明。
其四

一室長關谷底泉。兒孫閱過幾霜顛。松根夜壁時來往。不省人間有睡眠。
其五

愛把蒼竿攪月湍。山風吹頂不曾寒。竹林寺裏尋常去。乞得西僧梵本看。
其六

課得西崖杉柏成。山中知面不知名。少時曾學收雲法。擬把一囊送我行。
其七

坐破松巖不記年。衲衣長是裹谿烟。天池寺裏猶嫌近。更住天池絕巘邊。

明空住柳浪五月附余舟南下別於歸宗道上因作柳浪三疊以送之

青池白石每談空。銷却寒缸幾炷紅。記取柳浪湖上柳。夜禪聽盡碧絲風。

其二

碧溪影裏一僧歸。漾得雲光上衲衣。記取柳浪湖上水。縠紋風起鷺鷥飛。

其三

石鑪話盡晚牕烟。閒剔春芽自煮泉。記取柳浪湖上月。隔花呼起放生船。

過歸宗寺

墨池秋水石苔寒。晉碣唐書野火殘。一丈草青紺殿裏。爭教赤眼不心酸。

燕湖舟中同范長白念公看月

夜深蕉恰帶寒漸。隔水青梧辨露枝。閒取無心老衲子。幾人消得幻琉璃。

其二

夜泉香鍛石鑪紅。聽盡寒松帶雪風。算取人間幾月子。江心甌面復瓶中。

其三

青山不改黛螺春。孤閣娉婷是女神。一櫛秋光半匣水。人間多少熱忙人。

采石蛾眉亭

空江石壁瘦鱗鱗。膩綠頰斑酣冶春。掃取山光爲黛粉。儘教蕩子作仙人。

其一

擬將杯捲作家鄉。臥月橫煙夢幾場。况是蛾眉消得死。爭教白也不郎當。

其三

是處煙嵐掛齒唇。懶將時事冒心神。青山也許人酬價。學得雲閒是主人。

白門逢焦師座主

十年一拜鄭康成。搔首青山獨自行。醒卽讀書倦卽枕。不將無事換公卿。

其二

赤軸猶如水瀉瓶。草頭書盡萬梢青。而今老矣都休却。日課雜花兩卷經。

侯師之水軒

架書狼籍粉蟲殘。六月文紗濺水寒。麾卻如花舊拍板。茶瓶相對白蔬盤。

其一 一師之耳曠老事西方之學

卷葉塞來多少時。形言眼語亦能知。白頭聞得無生事。學把胡珠喚老師。

八月六日舟中憶去年此日與大兄都城歸義寺別泫然念及大姑自
云明歲二三月當還出籠不遠因大笑而別今大姑與兄俱逝矣哀

哉

別時猶記帶餘談。夾穀風生滿面灰。屈指來年二三月。大姑含笑長孫來。

其一

伏惑雖然學聖流。難辭真慟到眉頭。獨形獨影空舟裏。自說因緣自解愁。

其二

聞說南中也破顏。幾迴夢上九華山。而今恰走南中路。不是生遊是死還。

其三

饒他白髮倍蒼年。那得三朝無惡緣。一刻未離一刻苦。爭如長夜却先眠。

其四

燈前腸痛子瞻詩。宿世他生自可知。郵館暫來還暫去。蓮花聚首是長時。

齋中偶同諸友作時蔬

少時飛將氣如騰。老去常思韜上鷹。抽得健兒金鏃矢。等閒親角兩三朋。

除夕偶題

螺甲香沉蠟焰殘。黃柑歷歷耀青盤。朝來令節候官長。當去紅衫要贖難。
其二

白酒青鹽強作歡。長歌到底意催殘。當時京邸團圓日。只作尋常聚會看。

壬寅元日

不圖宴坐與澄神。只要烟嵐過眼新。算取開年得意事。衲頭隨著住山人。

元夕度門出宮中月餅同賦

曾向昭容手內傳。綠縵親押聖人前。三千里路秦宮月。和雪和烟到楚天。

其二

盤中猶折半宮花。刻鳳攢龍自內家。不是國師爭袖得。也應墜破紫袈裟。

其三

曾是金娥印得成。留將舊樣說陰晴。等閒放出中秋月。併與春燈一夜明。

竹枝詞

龍洲江口水如空。龍洲女兒挾巨艦。奔濤潑面郎驚否。看我船欹八尺風。

其二

雪裏山茶取次紅。白頭商婦哭春風。自從貂虎橫行後。十室金錢九室空。

其三

百錢一尺買吳絲。焦髮龍鍾舊玉兒。記得庚寅前後事。萬紅堆裏插花枝。

其四

東街晴雪未消泥。南陌陰靈又漲堤。恰似江頭娼女面。乍時歡笑乍時啼。

其五

泥深一丈怯開門。惡風惡雨惡夢魂。纔喚婦來又喚去。斑鳩喚得也頑煩。

其六

長橋鐵鹿破洪濤。木綿子花七尺高。棧時蠻力强三虎。拋擲輕如一鳥毛。

其七

船上女兒畫春娥。一葉飄隨水上波。左手牽姝右牽板。雲冠不動青峨峨。（以上二首。書所見。）

其八

吳兒纖皙語音儂。北容高簷項領重。江西賈子面如漆。袴褶行纏伴老傭。

其九

陌上相逢盡楚腰。涼州一曲寫吳綃。鷗紋撥盡西湖月。更與唱歌到板橋。

其十

玉娘一曲叫天鵝。此地曾經牙板過。十五年前細腰柳。而今枯瘦十圍多。

其十一

一片春烟剪縠羅。吳聲軟媚似吳娥。楚妃不解吳調肉。硬字乾音信口訛。

其十二

賈客相逢倍惘然。櫻楠杞梓下西川。青天處處橫瑞虎。鬻女陪男償稅錢。

食筍時方正月

鮮甘最與素盤宜。羞殺蒿苜與露葵。野腹雖饑下筋緩。疑他名字叫龍兒。

其二

穀水溫風解凍時。家家饌得雪玻璃。憑將野意酬君子。飽食西牕讀楚辭。

其三

纔呼痛快忽傷唇。積玉堆霜止一巡。便與喚名西施腕。較他舌乳更清新。

其四

嬌年那得逼人清。雪骨雲肌已十成。枝色與香皆第一。蔬經頭上擬題卿。

其五

族類叢生楚水濱。前身未嫁湘夫人。請君試看殘籜上。也有班班淚點頻。

其六

苦將墨瀟染龍孫。只寫瀟瀟个字繁。寄語湖州文與可。襪材爭似買盤飧。

其七

會踏山陰雨後春。貓頭花笏賤如薪。陶家只揀破塘買。一日常番兩替人。(陶周望屢稱破塘笋。)

侍家大人游太和發郡城偕遊者僧寶方冷雲尹生也

戴將頭髮入禪關。長得閒時也畏閒。從此野人功課定。一年須上兩番山。

其二

全家都愛踏雲烟。過去青山香火緣。扶著白頭拜真武。被人呼作地行仙。
其二

朝衣疊却繫烏藤。白石青岩取次登。識得袁家裝束別。紅旌隊裏一騎僧。

習家池

一庭幽碧鑠嵐烟。旋著春茶試乳泉。想得當時醉山簡。面容如赭影頰顛。

大堤女

文牕斜對木香籬。胡粉薄施細作眉。貪向牆頭看車馬。不知裙著刺花兒。

題紫霄太子巖

多少真官學大還。只將白雪換頰顏。爭如淨飯真王子。巢頂穿芽大雪山。

七星巖

紅霞一抹霧千重。石骨如斑翠點濃。何事丹砂炊不轉。諸仙長爇竈門峯。

關公祠

智者嘗稱山玉泉。爲四絕之二而攝山伽藍爲楚靳尚

平驅妖國洗蛟潭。月下高禪獨自參。恥與攝山爲伴侶。爲地靳尚作伽藍。

除夕有感

閒花閒月免縈神。且樂明朝到手春。前日柳浪亭上客。今來留得幾多人。

擬將

擬將藤杖伴袈裟。賀却新年便別家。湘竹廟前盆浦口。不知何處看桃花。

范生善形家言自山西還將歸豫章詩以別之

一身直出鴈門關。踏遍堯封禹跡還。收拾行滕與笈子。待隨徐福上三山。

其二

攜將雙目入雲堆。白石蒼崖日幾迴。但得肉山先報我。衲頭親自領僧來。

其三

三年擲却皂紗巾。五柳家風一味貧。願得龍沙休帶印。兒孫只作愛山人。

遊石洲

愛取春江一抹澄。斜帆疊疊柳層層。閒來袖得佳石子。付與山中好事僧。

其二

三番石上聽歌唇。轉眼楊花一紀春。座客十來消却五。更無一個六旬人。
柳浪館同龔散木小修賦得雪中新柳

纈青縈白幾千條。胡粉聊將贈舞腰。當日鞦韆無此景。強於雪裏寫芭蕉。

戲題十姊妹花 燕中有紅姑娘花極紅

纈屏綠屋引成行。淺白深朱別樣裝。却笑姑娘無意緒。只將紅粉鬧兒郎。

水仙花

琢盡扶桑水作肌。冷光真與雪相宜。但從姑射皆仙種。莫道梁家是侍兒。

看紙鳶

等閒一葉破高雲。一簇妖童十里塵。便與富兒償酒債。不須更倩郭仙人。

甲辰午節觀競渡

平湖新漲滑如油。十丈紅旛繞樹流。我有敝紵三兩幅。也將裁去掛船頭。

其二

碧酣樓上水平谿。濯足池邊日正西。橋上橋下人如螳。只愁翻却孟公堤。

吳生貧甚所遭輒奇詩以送之

踏遍吳關楚陌塵。榆花空對白羅春。如何四海袁居士。偏遇人間憔悴人。

其二

謝氏青山入夢多。騷人終是惱湘波。白公有語君聽取。命壓人時不奈何。

甲辰中秋後二日禮德山鑑大師塔偶成四偈示同行諸衲

少年學得跳胡神。十地三賢眼上塵。老去無端呈敗醜。倒持霜刃與他人。

其二

流水高山只自聽。白雲終不礙峯青。貪他一口龍潭沫。枉却金剛般若經。

其三

電走星流也是遲。龍潭不見是親師。而今石塔牢籠取。正是金剛出世時。

其四

棒頭有眼師辨取。響裏尋文我不知。前日少陵祠上過。秋花秋鳥總如詩。

德山遇大智龍湖舊侶也

湖上烟鬢一抹青。他時親見望州亭。也知魯國真男子。要識中郎舊典刑。

其二

好伴青山作主人。門前衲子去如塵。法堂草長深三尺。更與腰鎌走一巡。

答龍君御見憶之作君御詩云我家德山不得住故末句云云用博一
笑次篇聊爲解嘲亦可作一段公案也

雲嵐已是屬閒身。高下青崖日幾巡。看盡德山好烟水。只緣不是武陵人。

其二

眼前巒壑任高低。身裏尋身却是迷。正在武陵溪上住。不須更覓武陵溪。

德山聞長嫂去世慟念伯修感而有作

未亡去竟何悲。腸斷坡公卽世時。今日德山峯頂上。吞聲重作哭兒詩。

其二

山北山南累亦多。愁緣不盡奈他何。花源正好深深去。又聽人閒薤露歌。

夜深不寐起視星文遂成謎語戲別君御兄

北斗欄杆南斗橫。竹林今夕夢難成。願憑織錦天孫指。譜出陽關疊外聲。

答君御諸作

碧水丹崖不自由。無因闌入會仙樓。布帆飽趁瀟湘水。幾處青楓黃葉舟。

其一

溪鳥溪花盡寄聲。花源無路只空行。陶潛老被漁翁悞。枉把青山累後生。（來詩嘲余不入花源）

其二

溪流片片疊春紗。紅樹前頭又一家。寄語青門種瓜叟。種瓜先種枕頭瓜。（來詩有種瓜青門句）

其四

打疊歌鬟與舞裙。九芝堂上氣如雲。無緣得見金門叟。齒落唇枯髣髴君。（時君御演出金門記）

伏波將軍避暑石室

青山憔悴故將軍。苔甲年年印水紋。受盡蠻烟與瘴雨。不知溪上有閒雲。

其二

行盡跼鵞水上頭。裹屍方始得心休。閒驅款段隨鄉里。我亦君家馬少游。

桃花流水引

花源棹返。幽思縈懷。枕上夢中。如有所得。命曰桃花流水引。亦仙家竹枝詞也。

華陽巾子碧縑環。紫府簾前舊押班。阿母筵頭爭一擲。醉中輸却小蓬山。

其二

路逢蕭史不同身。風裊芙蓉繡領巾。雲裏自然清格少。但憑閨艷作仙人。

其三

袖却紅雲侍紫皇。談諧長是困東方。乍來不識天顏笑。只道頻噓列缺光。

其四

夜看仙犬吠花關。私過雲英與玉環。天上有來偷律重。玉桃一顆謫人間。

其五

掃斷紅霞陌上塵。青鸞白鳳集仙真。吹笙搗藥皆廝品。要作蓬山罵坐人。

其六

鬪草筵前霞作堆。花宮無事濫驅雷。麻姑向說水清淺。又過扶桑看一回。

其七

東海羣兒拜木公。腰間常繫鳳凰籠。絳裙一舞三山去。驚起扶搖滿翅風。

其八

光碧堂前催賜衣。少年天女弱腰圍。而今花樣新奇甚。不用銀河織錦機。

其九

盡到朝元會上來。春風坐遍小瓊臺。閒聽蔡誕輸龍語。引得諸仙笑似雷。

其十

澆盡銀灣水作田。全憑奇僻傲諸仙。老來猶自耽兒戲。弱水洋中泛鐵船。

竹枝詞時阻風安鄉河中

一漢纔順一溪灣。一尺纔過一丈還。船子已愁箭括水。兒童又指帽兒山。
（諺云。黃山戴帽必風雨。河名一箭河。水勢甚急。）

其二

蘆花枝上水痕新。南市東村打白鱗。只在梁山山背面。梁山何苦不離人。

其三

武夷葱翠獨稱梁。正望黃山一點蒼。三日風頭兩日雨。謝公昨夜拜梁王。
（黃山有謝公祠。梁山神卽漢梁松也。俗呼爲梁王。）

其四

儂家生長在河干。夫婿如魚不去灘。冬夜趁霜春趁水。蘆花被底一生寒。

送寒灰入參上兼訪陳遇卿

青峯只在兩眉間。何事三回不駐顏。信是黃冠多俗品。不曾俗却謝羅山。
（寒灰三過武當。皆未入山。）

其二

元編檢盡蠹魚殘。不載雲官與鳥官。未識上真真本末。君行試取藏經看。

其三

摩肩簇綺沸如雷。早向天門道上來。爲語別峯佳絕處。玉虛巖底出瓊臺。

其四

少年擲却敝頭巾。老去常思箇裏人。葱嶺走來無隙地。莫教踏著一微塵。

乙巳初度口占

南郭讀書西郭田。一竿秋水一湖烟。管歌社酒時時醉。不學龐家獨跳禪。

其二

白石青山到處緣。月高梳櫛日高眠。無聞已是慚夫子。四十於今少二年。

江上

桃花春水滿江頭。獨擁佳人翡翠樓。誰抱琵琶江口上。聲聲彈出小梁州。

其二

二月王花接郡城。絳桃垂柳獨分明。請看高塚宮人草。別作青春一段情。

過康節先生安樂窩

天津橋上沙圍屋。共伯城邊石吐泉。料得先生都不管。來時如月去如烟。

擬作內詞

玉殿蓮籌夜未央。內人傳旨出昭陽。朝來剛赴西宮約。莫遣經筵進講章。

其二

宜春苑裏日初斜。三百妖童校麗華。黼黻戎衣朱鬣馬。不知若個是官家。

其三

百子池頭九子萍。美人雙照月稜青。宮槐葉綠春如水。誦得蓮花兩卷經。

其四

阿監當頭送好音。羊車行處載鸞衾。朝來領取鋪宮例。御帕親封少府金。

其五

彩仗龍旌拂曙輕。朝朝東閣坐先生。皂囊久積言官奏。分付金璫取次行。

其六

八月秋高兔子肥。卷毛宋鵲疾於飛。開闌一放天顏喜。玉手親攜自在歸。

其七

金衣滑滑攪春眠。白髮中官進簡編。天子自臨宣示帖。美人親碾校書箋。

其八

一般春色有枯榮。十樹櫻桃九樹生。拾得青梅如彈子。護花鈴下打流鶯。

夜飲鄒金吾家

夜深歌起碧油幢。部部爭先那肯降。閱盡龜茲諸樂府。却翻新譜按南腔。

見宮監走馬

苜蓿風高萬馬齊。東華門裏映花嘶。平明挾彈西園去。白日晴翻碧玉蹄。

登嘯臺

青峯如面洗溪紋。石上鸞音久不聞。欲向先生供一匕。嵩山烟雨華山雲。

聞簫

江上清聲入夜哀。潛虬初泣雁初迴。前山月起青如黛。怕有幽人騎鳳來。

戲題君山

洞庭湖水日潺湲。腸斷湘妃竟不還。千里蒼梧常在眼。君山真作望夫山。

余凡兩度阻雨冲霄觀俱爲訪龍湖師戲題壁上

江樹蕭森江水長。今朝風雨又瀟湘。冲霄道士迎門揖。笑指看花前度郎。

其一

我從觀裏拜青牛。忽憶龍湖老比邱。李贄便爲今李耳。西陵還似古西周。

黃昭質憲使得銅雀。敗瓦割而爲二一。以寄乃兄平倩。其二遺余及小
修弟

雕題蔽日楣連雲。曾見英雄話使君。近日騷壇誰鼎足。眼中依舊是三分。

其二

土蝕霜凋字半塗。雲霞千古潤肌膚。豐城獄底渾閒物。供得張華用也無。

其三

池波爲墨筆爲墳。爭似卿家老右軍。我是漢朝金日磾。粗毫焉可試羅文。

其四

卯君囊却上公車。梵宇昆邪應滿廬。自笑蒙莊老弟子。南華又作一通書。

惠安伯園亭看芍藥。開至數十萬。聊述數絕以紀其盛。兼贈主人
看滯南徐紫錦堆。紅亭碧樹又催開。旋心繡子紛難識。喚取維揚舊譜來。

其二

雪色玲瓏照地華。飛觥走兕疾如車。等閑倒却春三甕。未了東軒一角花。

其三

百千新艷一時開。那遣花妖不下來。好與扶筇枝上去。花頭處處有樓臺。

其四

花助難樹亦難酬。疾雪澆風老未休。給與掃香十萬戶。靈芳國裏古諸侯。

衛河道中和邱長孺惜別

墜葉驚沙積蓼牕。射波寒月影幢幢。此身却似淘河鳥。纔過南江又北江。

其二

擬上青霄別有關。身無健翮莫追攀。而今已是孤飛鶴。毛羽摧頽返故山。

其三

辭却牆東好里鄰。思量來嚼浩衢塵。素衣變盡衰容減。到底還他赤骨貧。

其四

琴絕休悲大小絃。長貧長病豈須憐。朝春暮續生尤苦。爭得魂歸自在天。

其五

陌上秋風吹冷埃。西州門巷轉堪哀。梨花殘落刺桐死。每詣君時哭一回。

其六

柔櫓輕風覺有情。月高牛渚看潮生。江神木客爭傳語。可是袁家舊阿宏。

其七

耗盡雄心鬢亦皤。瀟亭無奈耐誰何。珊瑚百尺根株老。不信天家無鐵羅。

其八

別淚如傾祇賦詩。更無一物可相貽。自矜亦識汾陽老。眼底無君劍豎眉。

和曾退如別詩次韻

茂草長林不共棲。孤燈寒箔影淒淒。鷓鴣死去猶嫌北。鸚鵡道成必向西。(李安人念佛求生西

方)

其二

白傅可能無舞女。高柔那得少賢妻。柳浪湖上君來日。把酒唯聽一箇鷗。（退如末句云。歸去湖亭先問柳。雙柑吾肯負黃鸝。）

丁未初度泊池陽自壽兼憶李安人

溪頭微雪點疎松。睡起開牕對遠峯。誰寫畫圖來壽汝。謝家江上九芙蓉。

其二

四十年間火宅身。思量何事不飛塵。而今欲學臯橋隱。少却堂前舉白人。

舟中聽王姬彈琴

懶把腰肢學小蠻。涼雲初月淡垂鬢。攜君却好青山去。三峽流泉在指間。

雪中看山二仲呈詩一章後來似亦粗能者喜而有作

一生痴計是雲烟。五字吟成雪滿顛。老我已非前赤壁。稚兒那得小斜川。

廿三日至蒲圻謝中丞出迎時年九十二鶴髮丹容尙能騎乘真人中

瑞也口占二絕以紀其盛

一行旌節萬人從。爭看前前朝老臥龍。杞梓楸楠俱朽盡。就中留得兩高松。（是年存問畢少保。）

畢號松坡。公號松屏。

其二

曾看滄海化紅塵。雲過沙飛閱世人。便是聖朝祥瑞物。何須芝草與麒麟。

謝公伯子京兆君時年七十趨走膝下有若稚子凡謝公拜起俯仰皆

京兆君扶之

碧瞳紅頰照霜明。尙父前頭倚仗行。七十老翁猶膝下。爲人爭不羨爲兄。

天寧洲逢老僧一百一歲

一寸眉垂霜覆肩。額光如鏡語青圓。南山坐閱松株老。不上曆頭四十年。

其二指武皇南巡

開元天子最風流。曾見南巡錦幄舟。欒大也知非誑語。老人大父昔同遊。

其三老僧與余同戊辰生

問年知得是辰生。甲子校君少一更。過去一般無影跡。何妨呼我作同庚。

元日登王章甫水明樓

經年勞碌馬啼間。久客雖歸也不閒。爭似水明樓上坐。浪花影裏看春山。

其二

雲山雖近不相親。草色烟光各自春。君欲讀書我從仕。何曾真作看山人。

偕王章甫陳公弼登黃鶴樓 時章甫子宜卿及兒子二仲皆從

江流千頃蹙雲烟。樓閣雖高不似前。畫板朱檐遮取盡。爭教容納好山川。

其二

兩家稚子共追隨。似我與君初上時。松老石欹樓亦換。可容玄鬢不成絲。

峴首山觀羊叔子墮淚碑

欲知叔子恩多少。但看龜趺碧淺深。銅雀臺中歌舞妓。那能揮淚到如今。

博望驛

荒烟殘戍幾家村。庭鎖蒼苔古木昏。不恨君家開遠略。恨君尙未識崑崙。

王郡丞邀飲陽和樓

青天一碧翠遮空。浪捲雲奔夕照中。郭外荷花三十里。清香散作滿城風。

其二

十丈朱旗照水殷。家家簫鼓樂江山。千峯如畫供杯酒。不道清時是等閒。

中山劉刺史邀飲西溪

碧樹深深帶水斜。門垂果實類山家。攜將千日中山酒。來醉西溪六月花。

杪秋陪祀山陵同陶孝若黃道元謝響泉入僊人洞洞奇絕去馳道二

里許

紅葉霜花積幾重。青山蛻骨走眠龍。伊祈善卷俱陳迹。各向秋雲占一峯。

嘲謝道人白鬚

凝氈雪幾經春。五十年邊未老身。借與城西狂道士。虛添年歲誑時人。

其二

紫陌飛沙撲面行。和烟和雪看春明。身無官職家無媵。正好從君頰上生。

其三

氈水仙鉛積許多。霜根欲茁可如何。若教移去烏紗底。拚買春煤二百螺。

其四

篋裏無錢買地黃。花前雪色照人光。曉牕扣齒焚香罷。一盞山中蘆朮湯。

蘇潛夫侍御買燕姬爲賦合歡詩

黛螺香裏惠文冠。消盡青霜鐵面寒。恰似江南花鳥手。畫將椒棘傍芳蘭。

其二

夜深猶未解明璫。爭奈呻吟老孟光。蘭火漸昏衣漸緩。袖花微帶橘陳香。

其三

燈前小語背流蘇。偷看封章就也無。花外日高屏扇掩。府中未省有啼烏。

其四

西臺御史氣如雲。白簡霜飛海外聞。歸去海棠花下語。却妨鸚鵡作彈文。

聞閣試題爲蘭亭修禊圖效作二首

分別層溪與遠巒。天章寺裏雨中看。會稽內史風流甚。賴得中朝有謝安。

其二

石榻誰知定武訛。綻紋猶識舊宣和。憑君莫話冬青樹。添得青山淚許多。
送醫者黃生謁東諸侯

橘老柑黃不奈何。飄然艇子出烟波。而今海上單方幾。王不留行一味多。
送從軍羅山人還大足

老去漸思雲水鄉。苔斑蝕盡綠沈槍。青袍白馬翻然去。念取昌州舊海棠。
散木至自公安

江上分攜才一年。鬢如秋草面如烟。不知老態增多少。但覺頭巾闊似前。
無題送顯宗禪師南歸

秋來芍藥已無枝。老去湖蠶未有絲。古井澄瀾乾欲盡。阿誰腸斷比紅兒。
其一

迦陵命命不同飛。又喜開籠放雪衣。莫向甜桂言苦李。羞將遠志換當歸。
花燭詩爲顧小侯所作時所建娶婦已五年

燈煤和就染雙眉。想得春牕欲曙時。只爲顧家婦大好。五年尙贈合歡詩。

其二

百合香焚百子羅。秋江如面柳如蛾。侯家夫婿楊家女。占却人天福許多。

廣陵曲戲贈黃昭質時昭質校士歸

一絡青銅一面春。雕闌處處鎖朱輪。試將校黑分黃眼。品取如花似玉人。

其一

緋袍牙帶鞠躬迎。認得風騷舊長卿。莫似江南韓老子。教他炷艾待門生。

其二

肌香薰透繡羅襦。小立牕前拭粉朱。掛起眉圖親與較。果然顏色勝當爐。

其四

深束腰肢淺蹙蛾。伴娘頻促奈他何。白羅一尺寬如許。受得巫山雨幾多。

題潘稚恭小像

當年曾見虎頭真。長短濃纖各有神。只怪安仁描不似。爲他非骨異時人。

其一

牙光絹上白波重。骨肉調勻粉墨濃。若要識他春月柳。還須雪裏看王恭。
子公貧病無日開顏。悶坐舟中口占乞笑。

骨如枯竹面如灰。頃刻酸呼四五迴。人世萬千窮惱病。被君包攬上身來。

題方醫卷方款人客高郵

兒童每見求甘草。道侶相逢話藥方。高郵城裏尋常去。收得薑芽幾許長。
(末句見秦少游詩。)

公超谷 超能爲五里霧

醉裏提壺荷鋪還。大伸脚步卽登山。何如且作收雲法。施得清光與世間。

希夷峽

白石青山眼倦開。風雲長到枕邊回。夢中亦有敲門客。報道莊周騎蝶來。

其二

曾挈東臯到酒泉。而今醉國也騷然。睡鄉若有閒圖籍。欲向先生受一廛。

回心石

華頂不高澗不深。一迴遺世一登臨。若爲題向長安道。回却朱門紫陌心。

千尺幢至百尺峽

千仞雲中綴一絲。勢危那免墮枯枝。算來白石清泉死。差勝兒啼女喚時。

胡孫愁

仄嶺東移半尺苔。如何橫度碧崔嵬。上頭若有朝三叟。料得胡孫也喜來。

擦耳巖

過客時時耳屬垣。倚天翠壁亦何言。欲知懸逕欹危甚。看我青苔一面痕。

蒼龍嶺

瑟瑟秋濤谷底鳴。扶搖風裏一毛輕。半生始得驚人事。撒手蒼龍嶺上行。

衛叔卿博臺

雲中轉轉試鉤梯。棋路分明似芥畦。便欲與君終一局。只愁石爛水流西。

希夷避詔巖

一枕孤雲分外清。墮驢歸去有無情。岩中只可避丹詔。那得深岩避死生。

望嵩少

客程行盡太行山。又見嵩高紫翠間。料得有人山上笑。紅塵如海沒珠顏。

其二

欲從影裏問胡僧。車馬勞勞謝不能。縱有洗塵千澗水。夏蟲那可叩堅冰。

嵩陽宮古柏

苔甲生生裂水波。蒼皮十度手摩挲。問君那只高如許。漢壘唐基積幾多。

其二

雲散烟飛岫亦枯。風霜不上老肌膚。山中怪事知多少。石母生兒定有無。

中元夜枕上有憶

秋柝沉沉戶不扃。月光搖夢眼長醒。疎簾翠簾清如洗。少却流泉枕上聽。

宿華州公署

古槐修柏琅玕竹。曉日晴嵐翡翠山。疎影半牕鳩忽語。湘南烟水夢初還。

華州公署古槐大可四十圍蓋二百餘年物也余題之日國槐詩以記之

孫枝鬱鬱遍三秦。溜雨籠烟不記春。若論花黃忙舉子。已曾忙過九朝人。

密縣天仙廟白松

手撫松圍數匝行。潤於膚色白於珩。看來亦是夭喬種。和月和霜種始成。

其二

百尺亭亭寫空虛。塔浮日水玲瓏。青山好共陶宏景。欹枕閑聽帶雪風。

其三

瘦玉峻峻數十盤。巢雲老鶴夢猶寒。若爲貌出參天雪。更向南崗頭上看。

其四

傳言天女化時生。畢竟移根種不成。閱盡大官諸本草。上頭未有白松名。